

**Sambŭt Pôl Njuăl An Ma Phung
Nsing Ta Bon
Kôrintô Rôh 1
Nau bôk ăn bu gĩt lor**

Nơm nchih sambŭt dja rnha Pôl, păng nchih sambŭt dja klăp lah ta năm 56, klăp lah 23 năm jêh Brah Yêsu dák rêh. Păng gũ ta ðon Ephêsô nôk păng nchih sambŭt dja.

Rnôk Pôl, ðon Kôrintô jêng du mlôm ðon i kuông ngăn ta bri Akhây, jêng bri Grek abao dja. Pôl nôm hăn mboh nkoch nau mhe mhan ueh ta ðon Kôrintô klăp lah ta năm 51, păng gũ ta ðon nây du năm n'gul (Kar 18:1-18). Bôh kơi Pôl nây geh du huê rnha Apôlôs đong, hăn nti nau Brah Krist ta ðon Kôrintô (1Kô 3:6).

Ma sambŭt a êng i Pôl nchih dân uănh ta sambŭt Rôm ta nau bôk 'Sambŭt Pôl'.

Nau ũch ntrông ta sambŭt dja

Pôl nchih sambŭt dja gay ma pơng oh nau ôp ta du mlôm sambŭt bôh phung nsing ta ðon Kôrintô (1Kô 7:25), păng geh đong tăng lư nau bu mboh nkoch phung nsing ta ðon Kôrintô nây geh nau tâm pã phung (1Kô 3:1-13), geh nau jan mâu ueh abă (1Kô 5:1-13), geh bunuyh abă mưch Pôl mâu ũch sô đon păng jêng kôranh oh mon.

Nau khlay abă êng

Nau nti abă i ueh, ndrel ma i geh khlay hô ngăn ta sambŭt dja, nau nti ma nau nhêt sa nkah kloh

ueh (1Kô 11:20-34), nau nti ma nau Brah Huêng Ueh de ăn đơm đăm (1Kô 12:1-31), nau nti ma nau rông (1Kô 13:1-13), nau nti ma nau dâk rêh tay (1Kô 15:1-58).

Mboh nau khlay ta sambŭt dja

- Nau ôp ueh lăng (1:1-9)
- Nau tâm rłăch ta phung i nsing ma Brah Krist (1:10-4:21)
- Nau djơh ta phung nsing ta ðon Kôrintô (5:1-6:20)
- Nau ndăp ur sai (7:1-40)
- Nđơ ôp brah (8:1-11:1)
- Nđơ ueh mâu ueh ta nôk yok mbah ma Kôranh Brah nơm, nau nhêt sa nka h kloh ueh, nau Brah Huêng Ueh de ăn đơm đăm, ndrel ma nau rông ma bu (11:2-14:40)
- Nau dâk rêh Brah Yêsu, ndrel ma nau dâk rêh tay phung i nsing ma Brah Yêsu (15:1-15:58)
- Prăk kơl ma phung nsing ta ðon Yêrusalem (16:1-12)
- Nau Pôl ntinh êng êng (16:13-24)

Nau ôp ueh lăng

¹ Sambŭt gáp Pôl nchih, gáp jêng kôranh oh mon Brah Krist Yêsu i tă bơh Kôranh Brah kuăl gáp, i tă bơh nau ưch Kôranh Brah nơm đơng. Gáp ndrel ma nô Sôsten i nô bân ta nau nsing,*
² bar hê hên dăn ôp nau ueh lăng phung nsing ma Kôranh Brah ta ðon Kôrintô. Kôranh Brah lē kuăl jêh khân ay may ăn jêng phung ðon lan Păng nơm, ndăp ma jan khân ay may lē jêng

* **1:1** 1:1: Kar 9:15; 18:17

bon lan Păng nôm ăn gũ kloh ueh yor ma ndr
 Brah Krist Yêsu lể jan. Khân ay may jêng bon
 lan Kôranh Brah, ndrel ma dâng lể bunuyh ta ăp
 ntũk i nsing ma Brah Yêsu Krist i Kôranh bân.
 Păng jêng Kôranh ma khân păng i nây, ndrel
 ma jêng Kôranh ma dâng lể phung bân đổng.*
 3 Dăn Kôranh Brah Bở bân, ndrel ma Kôranh Yêsu
 Krist, ăn nau ueh, ăn nau đăp mpăn ma khân ay
 may.

4 Gập lah ueh ma Kôranh Brah đăbơ ngăn ăn
 ma khân ay may, yor ma Păng lể ăn nau ueh Păng
 nôm ma khân ay may tă bởh ndr Brah Krist Yêsu
 lể jan.* 5 Tă bởh khân ay may gũ ndrel Brah Krist,
 dâng Kôranh Brah lể ăn ma khân ay may ăp ntil
 ndr i geh khlay, Păng lể ăn khân ay may ők ntil
 ndr: Ăn blao nti bu, ndăp ma lể ăn khân ay may
 gĩt vât ăp ntil mpeh ma nau Păng.* 6 Nau Kôranh
 Brah ăn i nây ăn khân ay may gĩt n'hêl nanẽ nau
 Brah Krist i gập mbởh nkoch ma khân ay may lể
 di ngăn.* 7 Kot ndr i đăbơ dja khân ay may gũ kỗp
 Brah Yêsu Krist i Kôranh bân plở ta neh ntu dja,
 khân ay may lể geh ăp ntil nau blao i Brah Huêng
 Ueh ăn đơm đăm.* 8 Kôranh Brah jan ăn khân
 ay may hôm gũ nập nâng ta nau nsing, gay ma
 mâu ôh geh nau ma nduih ta nar Brah Yêsu Krist
 i Kôranh bân plở văch ta neh ntu dja.* 9 Kôranh
 Brah răp jăp ngăn, Păng lể kuăl jêh khân ay may
 ăn gũ tâm rnglăp ndrel Kon Păng nôm, jêng Brah

* 1:2 1:2: Eph 3:6 * 1:4 1:4: Eph 2:8-9 * 1:5 1:5: 2Kô

8:9 * 1:6 1:6: 1Kô 1:23; 3:11 * 1:7 1:7: 1Kô 12:4-11; Tit 2:13

* 1:8 1:8: Phi 1:6, 9-11; 1Tê 3:13

Yêsu Krist i Kôranh bân.*

Nau tâm rlăch ta phung nsing

¹⁰ O oh nô ta nau nsing, tă bôh nau dơi Brah Yêsu Krist i Kôranh bân gũ ta gáp, dăng gáp dân khân ay may hô ngãn, ăn khân ay may mboh ngời du ntô nau hõ, lơi ôh tâm nkah mpôl, ăn geh nau mân du ntô nau hõ, ăn geh nuih n'hâm du ntô đống.* ¹¹ O oh nô ta nau nsing, gáp tăng bunuyh abă bôh rnăk vâl yôh Klôê mboh nkoch ăn gáp, ta phung khân ay may geh nau tâm rlăch bắ. ¹² Ta phung khân ay may du huê du huê lah êng êng bắ kốt nđă: “Gáp dja i kon sau Pôl!” “Gáp dja i kon sau Apôlôs!” “Gáp dja i kon sau Pêtrôs*!” “Gáp dja i kon sau Brah Krist!”* ¹³ Lah ndri ơm Brah Krist geh tâm pã ôk kốt này lah? Ơm gáp Pôl lể bu nkhât ta si tâm rkăng ăn ma khân ay may lah? Mâu lah ơm bu jan bắptem yũk ma dak ăn khân ay may ta rnha gáp Pôl lah?* ¹⁴ Gáp dân lah ueh ma Kôranh Brah, gáp mâu ôh jan bắptem yũk ma dak ăn ma bunuyh ta phung khân ay may, man ma geh jan ăn ma nô Krispus, ndrel ma nô Gaiyus bar hê này đơm.* ¹⁵ Lah ndri mâu geh ôh du huê bunuyh ta phung khân ay may dơi lah lể geh jan bắptem yũk ma dak ta rnha săk gáp. ¹⁶ O, gáp lể geh jan bắptem yũk ma dak ăn rnăk vâl nô Satêphanas đống, bunuyh a êng gáp mâu hôm ôh kah gĩt.* ¹⁷ Brah Krist mâu

* **1:9** 1:9: Rôm 8:38-39; 1Tê 5:24; Hêb 10:23 * **1:10** 1:10: 1Kô

11:18-19; Phi 2:1-5 * **1:12** 1:12: Ta nau ngời Grek lah: ‘Kêphas’.

* **1:12** 1:12: 1Kô 3:3-8, 22; Kar 18:24-28 * **1:13** 1:13: Gal 3:27

* **1:14** 1:14: Kar 18:8 * **1:16** 1:16: 1Kô 16:15-18

ôh đã gáp hăn ma jan bắptem yũk ma dak, Păng đã gáp gay ma mbơh nkoch nau mhe mhan ueh. Yơn ma gáp mbơh nkoch nau i này mâu ôh đồng nau ngơi geh nau mân gít blao i ueh ma iấ, klach lah n'groh lơi nau dơi ta nau khât Brah Krist ta si tâm rkăng.*

Brah Yêsu nhơ nau dơi, ndrel ma nhơ nau mân gít blao Kôranh Brah nơm

¹⁸ Nau nkoch Brah Krist khât ta si tâm rkăng này, phung i mâu nsing i mra roh hêng, khân păng kọp nau nkoch i này jêng ndr rluk mấ dơ, yơn ma bản i Kôranh Brah rklaih, bản kọp nau nkoch i này jêng nau dơi Kôranh Brah.*

¹⁹ Nau i này tâm di ma nau lể geh nchih ta Nau Kôranh Brah Ngơi: 'Kôranh Brah lah:

'Gáp mra n'groh lơi i nau mân gít blao ta bunuyh i geh nau mân gít blao,

Gáp mra lơh hêng lơi nau blao mân ta bunuyh i geh nau blao mân đổng''†.

²⁰ Lah ndri bunuyh i geh nau mân gít blao, bunuyh i nơm nti, ndrel ma bunuyh i blao mét uảnh nau jru jru ta rnôk dja, ơm hôm blao jan đổng, lah Kôranh Brah lể lơh lơi i nau gít blao ta neh ntu dja ăn jêng rluk mấ chrao!*

²¹ Kôranh Brah jan ăn bunuyh ta neh ntu dja mâu ôh dơi gít năl Păng tă bớh nau mân gít blao khân păng nơm, Păng jan kọt này tă bớh nau mân gít blao Păng nơm. Kọt ndri dăng Kôranh Brah rklaih bunuyh i nsing tă bớh nau mbơh nkoch nau mhe

* **1:17** 1:17: Kar 9:15-16; 1Kô 2:1, 4 * **1:18** 1:18: 2Kô 4:3

† **1:19** 1:19: Êsa 29:14 * **1:20** 1:20-21: Rôm 1:21-22

mhan ueh i bunuyh a êng de kọp rluk mâl i nây. ²² Phung Israel ếch say ndr mbên nau khlay lor, ri mớ khân păng ếch nsing ma nau mboh nkoch nây. Phung Grek ếch say nau mân gít blao bunuyh ta nau mboh ngoi, ri mớ khân păng ếch nsing.* ²³ Yon ma hên, hên hôm mboh nkoch ma nau Brah Krist khât ta si tâm rkăng, gay ma rklaih bunuyh boh nau Kôranh Brah tê dôih. Jêh ri phung Israel rlăch mâu ếch ôh nau i nây, jêh ri phung i mâu di phung Israel kọp nau i nây jêng nau rluk mâl.* ²⁴ Yon ma dăng lể phung i lể Kôranh Brah de kuăl jêh, geh ndâp ma phung Israel, ndâp ma phung i mâu di phung Israel†, phung i nây kọp Brah Krist nhhơ nau doi, ndrel ma nhhơ nau mân gít blao Kôranh Brah nôm.* ²⁵ Moh ndr i bu kọp rluk mâl ta Kôranh Brah, yon ma hôm geh nau mân gít blao rlau ma nau mân gít blao bunuyh. Jêh ri moh ndr i bu kọp mâu ôh geh suan dăng ta Kôranh Brah, yon ma hôm geh suan dăng rlau ma suan dăng bunuyh đống.*

²⁶ Ở oh nô ta nau nsing, ăn khân ay may gít ta nau dja: Ta phung khân ay may, nôk Kôranh Brah kuăl khân ay may nớh, mâu lăng geh ôh bunuyh i bu kọp geh nau mân gít blao, jêh ri bunuyh i kuống, mâu lah bunuyh i rnoi deh ndrống kớ mâu lăng geh đống.* ²⁷ Yon ma

* **1:22** 1:22: Mat 12:38; Kar 17:19-21 * **1:23** 1:23: 1Kô 2:14; Mat 26:65; Gal 5:11 † **1:24** 1:24: Mâu lah 'Ndâp ma phung Grek'. * **1:24** 1:24: 1Kô 2:5; Rôm 1:16; Kôl 2:2-3 * **1:25** 1:25: 2Kô 13:4 * **1:26** 1:26: Yak 2:1-5

Kôranh Brah lě kơih jêh nau i bunuyh ta neh ntu de kơp rluk mậ nây, gay ma ăn phung i geh nau mậ gít blao đit prêng, jêh ri Păng lě kơih jêh nau i bunuyh ta neh ntu de kơp mậ geh suan dăng nây, gay ma ăn phung i geh suan dăng đit prêng. ²⁸ Kôranh Brah lě kơih jêh nau i bunuyh ta neh ntu de kơp dứt jể, nau i bu de mựch, ndrel ma nau i bu kơp mậ ôh geh nau khlay du ntil, Păng sữ dăng lě nau i nây gay ma n'groh lơi dăng lě nau i bunuyh kơp geh nau khlay. ²⁹ Kôranh Brah jan kơt nây, gay ma dăng lě bunuyh mậ hơm ôh geh du huế blao n'hi êng sắk ta nặp mắt Păng nơm.* ³⁰ Kôranh Brah jan ăn khân ay may lě gử ndrel Brah Krist Yêsu, Kôranh Brah jan ăn bậnh geh nau mậ gít blao tắ bớh Brah Krist Yêsu. Tắ bớh Brah Krist Yêsu, dăng Kôranh Brah kơp bậnh sớng, jêng bon lan kloh ueh Păng nơm, lě geh nau rklaih.* ³¹ Lah ndri nau i nây tâm di ma Nau Kôranh Brah Ngơi lě geh nchih jêh: 'Bu moh i ứch rnê êng sắk pắng nơm, ăn pắng rnê ma ndr Kôranh Brah jan ta pắng dờm hớ†.

2

Nau Brah Krist khậ ta si tâm rkắng

¹ Ở oh nô ta nau nsing, nớk gập hậnh a khậnh ay may mớh nkoch nau Kôranh Brah nớh, gập mậ geh ôh mớh ngơi dứt blao, mậ lah mớh nkoch nau khlay Kôranh Brah ăn ma khậnh ay may ma nau mậ gít blao jru. ² Nớk gập gử ndrel

* **1:29** 1:29-31: Rôm 3:27; 15:17-18; 2Kô 3:5; Êph 2:8-10 * **1:30** 1:30: Rôm 1:17; 2Kô 5:21 † **1:31** 1:31: Yêr 9:23-24

khân ay may nơh, gáp mboh nkoch ma Brah Yêsu Krist, mboh nkoch ma nau Păng khât ta si tâm rkäng dơm, gáp mâu ôh mboh nkoch nau abă êng.* ³ Gáp hăn a khân ay may nơh mâu ôh geh n'hâm suan, gáp nsõr sāk jăn klach mâu blao jan jêh ndr Kôranh Brah lě đă ma gáp.* ⁴ Bõr mbung gáp mboh ngoi, ndrel ma nau gáp ntũm nti nây nơh mâu ôh di geh ma nau mân gít blao ueh, yơn ma geh say nau khlay tă bõh nau dơi Brah Huêng Ueh nơm ăn,* ⁵ gay ma nau nsing khân ay may loi ôh tă bõh tăng nau mân gít blao bunuyh, yơn ma tă bõh say nau dơi Kôranh Brah nơm.

Nau mân gít blao Kôranh Brah nơm

⁶ Yơn ma bu moh i lě geh nau nsing nập lě tâm di keh jêh, hên ntũm nti ma nau mân gít blao đõng, yơn ma mâu di ôh sõ nau mân gít blao tă bõh bunuyh ta neh ntu dja i mra roh hêng, kỗ mâu di đõng tă bõh kôranh măt uãnh ta neh ntu dja i mra roh hêng đõng.* ⁷ Hên mboh nkoch ma nau mân gít blao Kôranh Brah nơm i bõh nơm nơh hơm ndõp mpôn. Ê lor ma njêng neh ntu, Kôranh Brah lě ũch jêh nau mân gít blao i nây ăn bân geh nau chrêk lợp. ⁸ Phung kôranh măt uãnh ta neh ntu dja mâu geh ôh du huê gít vât nau mân gít blao Kôranh Brah. Lah khân păng lě gít vât, khân păng mâu ôh nkhât Kôranh Yêsu i geh nau chrêk lợp i khân păng lě nkhât ta si tâm

* **2:2** 2:2: 1Kô 1:17-18; Gal 6:14 * **2:3** 2:3: Gal 4:13-14 * **2:4** 2:4-5: 1Kô 4:20; 1Tê 1:5 * **2:6** 2:6-7: 1Kô 1:24-25; Mat 11:25; Rôm 16:25; Êph 1:4-5

rkăng nơh.* 9 Ta Nau Kôranh Brah Ngơi lể geh nchih:

‘Mâu geh ôh trôm mắt du huê bunuyh uănh say,
mâu geh ôh tô du huê bunuyh iătt tăng,
Mâu geh ôh nuih n'hâm du huê bunuyh mân
tât,

Nau i Kôranh Brah lể ơm ndrăp ăn ma bu moh i
rông ma Păng nơm'†.*

10 Kôranh Brah đã Brah Huêng Ueh ăn bân gít
nau i nây nơh, yorlah Brah Huêng Ueh gít dăng
lể rngôch nau, bol lah nau mân i jru ta Kôranh
Brah, kỗ Păng gít đống.* 11 Bunuyh mâu ôh gít
nau mân bunuyh a êng, nuih n'hâm păng nơm
dơm gít ma nau mân păng. Kôranh Brah tâm
ban kốt nây đống, bu êng mâu ôh gít nau mân
Păng, i Brah Huêng Ueh Păng nơm dơm gít ma
nau mân Păng.

12 Bân i dja, Kôranh Brah mâu ôh ăn bân geh
nuih n'hâm nau mân i tâm ban ma bunuyh i mâu
nsing, bân lể sỗ dơn jêh Brah Huêng Ueh i tă bớh
Kôranh Brah, gay ma gít vát dăng lể nau i Păng
ăn ma bân dơm dam.* 13 Bân mớh nkoch nau
i nây mâu di tă bớh nau mân gít blao bunuyh
ntũm nti, yơn ma tă bớh Brah Huêng Ueh ntũm
nti. Bân mớh nkoch nau i tă bớh Brah Huêng
Ueh ăn ma bunuyh i lể geh Brah Huêng Ueh gũ.
14 Yơn ma bu moh i mâu geh Brah Huêng Ueh
gũ, păng i nây mâu ôh dơi sỗ dơn nau bớh Brah
Huêng Ueh Kôranh Brah. Păng mân nau i nây

* 2:8 2:8: Yôh 7:47-49 † 2:9 2:9: Esa 64:4 * 2:9 2:9: Esa
65:17 * 2:10 2:10-11: Kôl 1:26-27 * 2:12 2:12: Yôh 16:13

jêng nau rluk mâl dơm, păng vât mâu dơi ôh. Bunuyh i geh Brah Huêng Ueh gũ dơm, dơi gĩt vât nau i này. ¹⁵ Bunuyh lẽ geh Brah Huêng Ueh gũ, blao gĩt njing dăng lẽ nau mân. Jêh ri bunuyh i mâu ôh geh Brah Huêng Ueh gũ, mâu ôh blao gĩt vât bunuyh i geh Brah Huêng Ueh gũ.* ¹⁶ Ta Nau Kôranh Brah Ngơi lẽ geh nchih:

‘Ôm geh bunuyh gĩt vât nau mân Kôranh Brah nơm lah?

Ôm geh bunuyh dơi ntũm nti ăn ma Păng lah?’†

Yơn ma bân, bân lẽ geh jêh nau mân tâm ban ma nau mân Brah Krist nơm.*

3

Nau sơm kơl jan kar ndrel ăn ma Kôranh Brah

¹ Ở oh nô ta nau nsing, a lor nơh gập mâu ôh dơi ngơi đah khân ay may tâm ban ma ngơi đah bunuyh i lẽ gĩt vât nau Brah Huêng Ueh. Gập ngơi đah khân ay may nơh tâm ban ma ngơi đah bunuyh mâu nsing, mâu lah tâm ban ma ngơi đah bunuyh i mhe sât nsing i tâm ban ma oh bê.*

² Gập tâm ban ma mpu khân ay may ma dak toh, gập mâu ôh ăn khân ay may sa nơ đãng, yorlah khân ay may ê hữ dơi sa nơh. Bol lah tât abơ dja khân ay may hôm e ê hữ dơi sa đơng, ³ yorlah khân ay may hôm geh nuih n'hâm nau mân tâm ban ma bunuyh i mâu nsing kơt ơm. Ta phung khân ay may hôm geh nau tâm mâu nach, tâm

* **2:15** 2:15: 1Kô 12:10; 14:29; 1Tê 5:21 † **2:16** 2:16: Esa 40:13

* **2:16** 2:16: Rôm 8:16; 11:34 * **3:1** 3:1-2: Hêb 5:11-14; 1Pê 2:2

rlăch. Nau i nây nhơ khân ay may hôm geh nuih n'hâm nau mân tâm ban ma bunuyh i mâu nsing, hôm gũ rêh tâm ban ma bunuyh i mâu nsing.* ⁴ Nôk du huê bunuyh lah: 'Gâp dja i kon sau Pôl!', jêh ri du huê bunuyh jât lah: 'Gâp dja i kon sau Apôlôs!', nau i nây tâm di ma nau gũ rêh bunuyh i mâu nsing ngăn. ⁵ Lah ndri Apôlôs păng bu moh? Gâp Pôl bu moh? Hên bar hê jêng bunuyh sơm kơl jan kar i leo khân ay may geh nau nsing nơh, hên jan kar tâng nơ i Kôranh Brah đă ma hên jan đơm.

⁶ Gâp tâm ban ma bunuyh ma tằm, yorlah gâp leo khân ay may sât nsing, jêh ri Apôlôs jêng tâm ban ma bunuyh ma tồ dak, yorlah păng nti khân ay may bơn kơi, i nau jêng tã bơn Kôranh Brah nơm ăh.* ⁷ Lah ndri bunuyh tằm, ndrel ma bunuyh tồ dak mâu ôh geh nau khlay, Kôranh Brah nơm đơm i ăh jêng geh nau khlay. ⁸ Bunuyh tằm, ndrel ma bunuyh tồ dak geh nau ếch tâm ban đơm, jêh ri khân păng mra sỡ đơn nơ nkhôm tâng nơ i khân păng nơm lể jan.* ⁹ Bar hê hên jêng bunuyh sơm kơl jan kar ndrel ma Kôranh Brah. Khân ay may jêng tâm ban ma mir Kôranh Brah, jêng tâm ban ma jay i Kôranh Brah nơm jan.*

¹⁰ Tã bơn nau ueh Kôranh Brah, Păng lể ăh jêh ma gâp jêng tâm ban ma du huê bunuyh i dũt blao jan jay, jêh ri gâp tằm meh ăh ueh. Bunuyh êng jan kalơ nơ gâp lể jan nây. Yơn ma bu moh i

* **3:3** 3:3-5: 1Kô 1:10-11; 11:18; Yak 1:10-13; 3:14-18 * **3:6** 3:6:

1Kô 16:12; Kar 19:1 * **3:8** 3:8: Eph 4:11-12 * **3:9** 3:9: Eph 2:20-22

jan kar jan jay, ăn păng njrăng môm bã nau păng jan.* ¹¹ Ta jay Kôranh Brah đơn geh meh i này đơn, meh i này jêng Brah Yêsu Krist, mâu hôm geh ôh bunuyh blaotăm meh a êng jât.* ¹² Lah bu moh sô mayh, prăk, pích, tơm si, ja, rhe ma jan kalơ meh i này, ¹³ ta nar Kôranh Brah văch phat dôi tay, ndr i du huê du huê bunuyh lể jan này mra say n'hêl ro, yorlah ta nar này văch tâm ban ma ũnh, jêh ri ũnh i này mra rlong su ndr i bunuyh lể jêh jan du huê du huê săk nơh.* ¹⁴ Lah bu moh i ndr păng lể jan i này hôm, păng i này hôm geh ndr nkhôm.* ¹⁵ Lah bu moh i ndr păng jan ũnh de sa lể phiao, păng i này roh ndr nkhôm đơng, i săk păng nơm hôm klaih, mâu ôh geh nau jêr, yơn ma klaih tâm ban ma bunuyh hăn glăt rỏ ũnh đơn.

¹⁶ Ah khân ay may mâu gít ãah, săk khân ay may nơm jêng nhieh jan brah ma Kôranh Brah! Ah khân ay may mâu gít ãah, Brah Huêng Ueh Kôranh Brah nơm lể gũ ta khân ay may!* ¹⁷ Bu moh i ũch lơh rai lơi phung nsing ma Kôranh Brah, păng i này tâm ban ma bunuyh lơh rai lơi nhieh jan brah ma Kôranh Brah nơm. Kôranh Brah mra lơh rai lơi bunuyh i này đơng, yorlah nhieh jan brah ma Kôranh Brah nơm jêng kloh ueh jêng ndr Kôranh Brah nơm. Jêh ri khân ay may nơm jêng nhieh jan brah i kloh ueh i này.

¹⁸ Lơi ôh mbrôh êng săk khân ay may nơm.

* **3:10** 3:10: Kar 18:1-8 * **3:11** 3:11: 1Kô 1:6; Kar 4:11-12

* **3:13** 3:13: 1Kô 4:5 * **3:14** 3:14: 1Kô 3:8; 4:5; 15:58 * **3:16** 3:16: 1Kô 6:19; Rôm 8:9

Lah bu moh i kopy êng sãk pãng nôm jêng bunuyh geh nau mân gít blao i phung mâu nsing kopy khlay, ăn pãng i này jan bunuyh i phung mâu nsing kopy rluk mâl bôt, gay ma pãng jêng bunuyh i geh nau mân gít blao ngãn i tả bôh Kôranh Brah,* ¹⁹ yorlah Kôranh Brah kopy nau mân gít blao phung bunuyh i mâu nsing jêng rluk mâl dôm. Nau i này tâm di ta Nau Kôranh Brah Ngơi lể geh nchih lah: ‘Bunuyh i geh nau mân gít blao, Kôranh Brah đổng nau mân gít blao bunuyh i này, gay ma tể dôih bunuyh i này’†. ²⁰ Jêh ri lể geh nchih lah đổng: ‘Kôranh Brah lể gít jêh nau mân phung i geh nau mân gít blao, Pãng lể gít jêh nau mân i này mâu ôh geh nau khlay’†. ²¹ Lah ndri lơi ôh ăn geh du huê bunuyh n’hi êng sãk pãng nôm yor ma i nôm nti pãng nôm. Dãng lể ntil ndơ geh gay ma geh nau khlay ma khân ay may dadê.* ²² Bol lah gáp, bol lah Apôlô, bol lah Pêtrô* kađôi, neh ntu dja, nau rêh, nau khât kađôi, rnôk abơ dja, mâu lah rnôk jât nấp tay kađôi, jêng ndơ gay ma geh nau khlay ma khân ay may dadê.* ²³ Jêh ri khân ay may này jêng phung bon lan Brah Krist nôm, jêh ri Brah Krist iãt Kôranh Brah nôm.

4

Kôranh oh mon Brah Krist

* **3:18** 3:18-19: 1Kô 1:19-21 † **3:19** 3:19: Yôp 5:13 † **3:20**
 3:20: NMO 94:11 * **3:21** 3:21: 1Kô 1:31 * **3:22** 3:22: Ta nau
 ngơi Grek lah: ‘Kêphas’. * **3:22** 3:22: 1Kô 1:12

¹ Lah ndri dân khân ay may kơp Apôlô, ndrel ma gáp jêng bunuyh i sơm kơl jan kar ma Brah Krist, kơp hên jêng bunuyh i Kôranh Brah đã mboh nkoch nau Păng nơm lẽ nhhơ abao dja hơ, i boh ntơm nơh hôm ndöp mpôn.* ² Lah geh bu đã du huê bunuyh jan kar du ntil, păng ếch bunuyh i này jan kar rấp jấp ngăn.* ³ Lõng gáp i dja, bol lah khân ay may kađôi, mâu lah bunuyh êng kađôi, geh nau mâu lah gáp jan kar ueh mâu lah jan kar mâu ueh, kỗ gáp mâu ji bôk ji tở; jêh ri sắk gáp nơm kỗ gáp mâu lah đống, gáp jan kar ueh mâu lah jan kar mâu ueh. ⁴ Ta nuih n'hâm gáp, bol lah gáp geh nau đấp mpăn yor ma gít mâu geh jan ndơ đjờh ndơ mâu ueh, yơn ma nau i gáp mâu kot này, mâu ôh di jan ăn gáp dja jêng bunuyh sớng mâu geh nau tih, hôm geh du huê Kôranh Brah i phat dôi h gáp. ⁵ Lah ndri lơi hơ ôh tâm phat dôi h ndrăng nơm ê lor ma tát di nar Kôranh Yêsu plở vắch phat dôi h, yorlah Păng nơm mra sớ tể a ntũk ang ndơ i bunuyh de lẽ mpôn ta ntũk ngo, jêh ri Păng nhhơ nau mâu nau ếch i dứt ndöp ta trôm nuih n'hâm bunuyh. Ta nôk này Kôranh Brah rnê ma du huê du huê bunuyh, tâng ndơ i geh nhhơ này.*

⁶ Ở oh nô ta nau nsing, gáp đống Apôlô, ndrel ma đống gáp nơm jêng nau ntát gay ma geh khlay ma khân ay may. Gáp ếch khân ay may gít vát nau i bu lah kot nđá: 'Lơi ôh jan rlau đah ndơ i lẽ geh nchih ta Nau Kôranh Brah Ngơi'. Lah ndri

* **4:1** 4:1: 1Kô 3:5-8 * **4:2** 4:2: Mat 25:21 * **4:5** 4:5: 1Kô 3:8; Rôm 2:16; 2Kô 5:10; NMO 26:2

khân ay may mâu hôm ôh n'hi êng sǎk nờm yor ma kớp du huê nờm nti kuống rlau ma du huê êng jât.* ⁷ Moh bǎ nau geh i jan ăn du huê ta phung khân ay may ueh rlau ma bu êng? Dâng lẽ nau i khân ay may lẽ geh, jêng tǎ bớh Kôranh Brah ăn! Lah khân ay may lẽ sớ đờn jêh dǎng lẽ nau bớh Pǎng, mớm dǎng khân ay may blao n'hi êng sǎk ma nau i nây jan tâm ban ma geh êng, mâu tǎ bớh Kôranh Brah ăn?

⁸ Khân ay may mân lah khân ay may lẽ geh jêh dǎng lẽ nau i khân ay may ứch bớh nau i Brah Huêng Ueh ứch ăn. Khân ay may mân lah khân ay may lẽ kuống ta nau Kôranh Brah i nây. Khân ay may mân lah khân ay may lẽ jêng tâm ban ma kađǎch mǎt uǎnh ndrel Brah Krist jêh, yờn ma khân ay may mân lah hên mâu ôh jêng kađǎch. Tih ma dǎng lẽ nau i nây mâu di ôh. Gấp ứch ngǎn khân ay may lẽ jêng kađǎch kớp nây ngǎn, gay ma hên lẽ jan kađǎch ndrel khân ay may.* ⁹ Tǎng ma gáp mân, Kôranh Brah ăn hên i kôranh oh mon tâm ban ma jẻ ta nâm bu, tâm ban ma bunuyh i bu tẻ dôi h nkhât, jêh ri ăn dǎng lẽ bunuyh mứch rmot, ndǎp ma tồng pǎr, ndǎp ma bunuyh.* ¹⁰ Bu lah hên bunuyh rluk mǎl yor ma hên mớh nkoch nau Brah Krist, lǎng khân ay may nây kớp êng jêng bunuyh i geh nau mân gít blao yor ma gủ ndrel Brah Krist. Hên tâm ban ma bunuyh i mâu geh n'hâm suan, yờn ma khân ay may nây tâm ban ma bunuyh i geh

* **4:6** 4:6-7: Rôm 12:3 * **4:8** 4:8: NTM 3:17, 21 * **4:9** 4:9-13: 2Kô 4:9-11; 11:23-29; 1Tê 2:9

suan dăng ngă. Khân ay may bu y'ok, tih ma hên bu de mưch rmot. ¹¹ N'ho ma tât nar dja, hên hôm gũ ta nau ji ngot ji hir, hôm gũ ta nau bêch kôh lahôk, gũ bre ma rpăt mbang, rêh de n'glă de n'glot. ¹² Hên jan kar rơah rgănh ngăn ma ti hên nơm gay ma geh ndrơ sông sa. Nôk bu rak suai hên, hên dẫn Kôranh Brah ăn nau geh jêng ma khân păng, nôk bu jan jêr jôt ma hên, hên hôm e dơi nsrôyh ăt,* ¹³ nôk bu ngơi nchơt hên, hên ơh ma khân păng ma nau ueh. N'ho ma tât nar dja dăng lể bunuyh uănh hên tâm ban ma ndrôk mřm i bu mbă, ndrêl ma bu mâu ôh uănh geh hên. ¹⁴ Găp nchih nau i dja ăn ma khân ay may, mâu ôh di gay ma ăn khân ay may geh nau đit prêng, yơn ma găp ữch ntũm nti khân ay may tâm ban ma kon găp nơm i găp rông. ¹⁵ Bol lah khân ay may geh nơm nti 10000 nuyh kađôi bơh kơi găp gay ma ntũm nti khân ay may ma nau Brah Krist, kố mâu geh đổng ốk bunuyh i leo khân ay may săt nsing. Kơt ndrì găp tâm ban ma bở khân ay may ta Brah Krist Yêsu, yorlah găp i năk leo nau mhe mhan ueh ăn ma khân ay may nờh.* ¹⁶ Lah ndrì găp dẫn hô ngăn khân ay may jan tâng găp dô.*

¹⁷ Yor ma nau i nây găp lể ăn Timôthê i tâm ban ma kon i găp nơm rông, i bunuyh răp jăp ngăn ta Kôranh Yêsu, ăn păng hăn a khân ay may, gay ma păng nkah khân ay may nau găp gũ ngao ta Brah Krist Yêsu, kơt nau i găp ntũm nti ăn

* 4:12 4:12: 1Kô 9:13-15 * 4:15 4:15: 1Ti 1:2 * 4:16 4:16: 1Kô 11:1

ma dâng lě phung nsing ta ăp ntũk nơh.* 18 Yơn ma geh bunuyh aă kơp êng sắk khân pắng nơm kuống, mân lah gáp mầu ôh hăn a khân ay may jăt, gay ma lah khân pắng. 19 Yơn ma gáp mra hăn a khân ay may gơnh ro, lah Kôranh Brah ũch. Nôk nây gáp mra say n'hêl khân pắng i nây kuống ma mbung đơm, mầu lah geh nau đơi tả bơh Kôranh Brah ngắn.* 20 Yorlah nau Kôranh Brah măt uảnh mầu ôh di ngơi ma mbung đơm, jềng ndáp ma Kôranh Brah nhhơ nau đơi nau khlay.* 21 Lah ndrì nôk gáp hăn a khân ay may tay, moh ndr ũch ăn gáp ndjôt? Ừch gáp ndjôt mông, mầu lah ũch gáp ndjôt nau rông, ndrel ma geh nuih n'hâm mleh?*

5

Nau djơh ta ãon Kôrintô

1 Geh tăng lư geh nau tâm đống, nau khơh kler ta phung khân ay may, geh du huê bunuyh tâm đống đah ur mhe i bở pắng nơm, jềng du ntil nau khơh kler, bol lah ta phung i mầu gắ nắ Kôranh Brah kố mầu geh kơt nây đống.* 2 Tih ma khân ay may hơm n'hi êng sắk kơp êng sắk khân ay may nơm blao ndjôt ma nau nsing. Mơm dâng khân ay may mầu ôh rngot rvê ma nau i nây? Jêh ri ntrũt lơi bunuyh i jan djơh i nây lỏh bơh khân ay may nơm. 3 Bol lah sắk gáp mầu gắ ndrel khân ay may kađôi, lah ngơi ma Brah Huềng Ueh

* 4:17 4:17: Kar 16:1-3 * 4:19 4:19: 1Kô 16:5-8 * 4:20 4:20: 1Kô 2:4-5 * 4:21 4:21: 2Kô 2:4 * 5:1 5:1: KLê 18:7-8

gâp tâm ban ma hôm gũ ndrel khân ay may, jêh ri bunuyh i jan djơh i nây gâp lể jêh phat dôih pãng, tâm ban ma gâp lể gũ ndrel khân ay may ngãn.* ⁴ Ân khân ay may gũ rgum bả ta rnhà Brah Yêsu i Kôranh bân, nau mân gâp gũ ndrel khân ay may, jêh ri nau dơi Brah Yêsu i Kôranh bân gũ ndrel ta nây đổng. ⁵ Jao pãng i nây ăn ma a Satãng i kôranh mpôl brah djơh, gay ma lơh hêng lơi i rnglay sắk pãng, yơn ma i huêng pãng nây hôm geh nau rklaih ta nar Kôranh Yêsu vắch tắt. ⁶ Khân ay may rnê êng sắk khân ay may nơm ma nau i nây mắu ueh ôh. Khân ay may mắu gắt bắh: ‘Ndrui để dờm dơi jan rnhì dắng lể lơ ma kuông!’, nau jan djơh tâm ban ma kớk nây đổng, lah du huê jan djơh, geh đổng ăn nau jêr ma bu êng, nắp ma bu êng jan tắng kớk nây.* ⁷ Ân khân ay may ntrắt lơi bunuyh jan tih i nây tâm ban ma mắbắr lơi ndrui ơm, gay ma phung khân ay may jêng kloh tâm ban ma rnhì mhe ma jan nắmpắng i mắu ôh geh ndrui*, yorlah phung khân ay may lể jêng kloh tắ bớh Brah Krist khắt ntrắ bắn tâm ban ma kon be biắp i bu nkhắt ta nar nhắt bắn n'hot. ⁸ Lah ndrì ăn bắn kah gắt nau rklaih bắn ma nau mắbắr lơi nau djơh nau mhắk ắp ntil, tâm ban ma phung Israel kah gắt nau rklaih khắn pắng bớh bri Êsip ta nau

* **5:3** 5:3-5: 1Kô 3:15; 11:31-32; 1Ti 1:20 * **5:6** 5:6-7: Rôm 16:17;

Tit 3:10-11; NNg 12:15; Yôh 1:29 * **5:7** 5:7: Ta nar ndrắp ma nhắt bắn n'hot, phung Israel joi ndrui, ndrel ma ndr i geh ndrui ta jay khắn pắng nơm mắbắr lơi, jêh ri ta nar nhắt bắn n'hot, khắn pắng nkhắt kon be biắp nắp ma sa nắmpắng mắu geh ndrui ắp pham nar.

nhêt bũn n'hot ma nau m̄b̄r loi nũmp̄ng geh ndrui, jêh ri ăn bân gũ s̄ng, geh nuhi n'hâm ngơi nau nḡn đơ m h̄, j̄ng tâm ban phung Israel sa nũmp̄ng m̄u geh ndrui đơ m.

⁹ Ta sambũt i ḡp l̄ jêh njūl ăn a khân ay may a lor nơh, ḡp l̄ buay jêh khân ay may lời ăn ôh gũ ndr̄el ma bunuyh i tâm đ̄ng i khơ kler.* ¹⁰ Nau ḡp ngơi i n̄y m̄u di ôh ũch lah ma đ̄ng l̄ bunuyh i tâm đ̄ng ta neh ntu dja, phung i k̄nh đ̄p ndr̄ hô ir, phung ntũng bu, m̄u lah phung i yok mbah ma rup brah êng êng. Lah s̄ nau ḡp buay k̄t n̄y bũt ta lôh b̄h neh ntu dja đơ m! ¹¹ Yon ma nau ḡp ũch ngơi i n̄y ḡp ngơi ma bunuyh i lah êng s̄k p̄ng n̄m nsing ma Brah Krist, jêh ri nkhong ma tâm đ̄ng khơ kler, k̄nh ndr̄ hô ir, yok mbah ma rup brah êng êng, rak suai bu, nhêt nhũl bl̄k blek, ntũng bu. Lah ndr̄i bunuyh i k̄t n̄y bol lah s̄ng sa lời gũ ndr̄el đ̄ng. ¹² M̄u ôh di ḡp phat d̄ih bunuyh i m̄u nsing, yorlah i n̄y m̄u di nau jan kar ḡp. Yon ma īt ma khân ay may phat d̄ih bunuyh i nsing! ¹³ Phung i m̄u nsing n̄y, Kôranh Brah mra phat d̄ih khân p̄ng. Yon ma khân ay may 'T̄t ma ngl̄h lời bunuyh đ̄j̄h b̄h khân ay may đ̄', k̄t l̄ geh nchih ta Nau Kôranh Brah Ngơi.*

6

Nau phung nsing tâm n̄n ta ntũk phat d̄ih

* **5:9** 5:9-11: Eph 5:5-7; 1Tê 5:22; 2Tê 3:6 * **5:13** 5:13: NVa 17:7; 19:19; 21:21; 22:21; 24:7

1 Ta phung khân ay may nôk geh bar hê bunuyh tâm lők bǎl, môm dâng khân pǎng hǎn joi ta phung i mǎu nsing sôm phat dôi, mǎu ǔch ôh joi ta phung bon lan Kôranh Brah sôm phat dôi? 2 Ôm khân ay may mǎu gĩt bah, nar jât nǎp tay, phung bon lan Kôranh Brah mra phat dôi dâng lể bunuyh ta neh ntu dja? Lah khân ay may mra phat dôi dâng lể bunuyh kôt nây, lah ndrì môm dâng nau i jể lể dja khân ay may phat mǎu dôi? 3 Ôm khân ay may mǎu gĩt lah, bol lah phung tông pǎr, bân hôm mra phat dôi đống? Lah ndrì môm dâng ndrì i jể lể ta nau rêh dja khân ay may phat dôi mǎu dôi? 4 Nôk khân ay may tâm geh nau ndrǎng khân ay may nôm, môm dâng khân ay may hǎn joi phung i mǎu nsing chrao sôm phat dôi? Yorlah phung nsing mǎu yók ma phung i nây đống. 5 Gáp ngời kôt nây, gay ma ăn khân ay may đit prêng. Môm dâng ta phung khân ay may mǎu geh du huê bunuyh i gĩt blao ma phat nau bunuyh i nsing tâm ntôn nau nây? 6 Yôn ma nôk bar hê bunuyh ta phung nsing tâm ntôn bǎl, môm dâng khân ay may hǎn joi phung i mǎu nsing chrao sôm phat dôi?

7 Nau i khân ay may tâm ntôn bǎl kôt nây lể mǎu di jêh. Môm dâng mǎu ăn bu uih đrǎp ndrì khân ay may? Môm dâng mǎu ăn ndrǎng khân ay may nôm sô mbrôh sa nsiǎn đrǎp ndrì khân ay may? 8 Ta phung khân ay may nôm lể geh

* 6:2 6:2-3: Rôm 5:17; 2Ti 2:12 * 6:3 6:3: 2Pê 2:4; Yud 1:6

* 6:7 6:7: Mat 5:38-41; Rôm 12:19; 1Tê 5:15

bunuyh uih drăp ndrăng khân ay may nơm, i sô mbrôh sa nsiăñ drăp ndrăng khân ay may nơm chrao.

⁹ Ah khân ay may mâu gít ãah? Bunuyh i jan kue mâu dơi ôh lăp ta nau Kôranh Brah măt uănh. Khân ay may lơi vĩ ôh, phung i tâm đống i khơh kler, phung i yók mbah ma rup brah, phung i lôm ur lôm sai, phung i tâm đống ndrăng bu klô,* ¹⁰ phung i ntũng bu, phung i kơnh ndrăng hô ir, phung i nhũl blăk blek, phung i rak suai bu, phung i ntũng bu, dăng lă phung i nây mâu dơi ôh lăp ta nau Kôranh Brah măt uănh. ¹¹ A lor nơh ta phung khân ay may ăbă jêng bunuyh tâm ban kơt i nây đống, yơn ma ăbăo dja Kôranh Brah lă rao jêh khân ay may lă jan khân ay may ăñ kloh, ndăp ma jan khân ay may lă jêng bunuyh sổng yor ma Kôranh Yêsu Krist, yor ma Brah Huêng Ueh Kôranh Brah, Kôranh Brah i bân yók mbah nây.*

Nau der ma nau khơh kler

¹² Geh bunuyh ăbă lah: ‘Găp geh nau dơi ma jan dăng lă rngôch ndră’, yơn ma dăng lă ndră mâu ôh ăñ nau ueh ma găp dadê. ‘Găp geh nau dơi jan dăng lă rngôch ndră’, yơn ma găp mâu ôh ăñ ndră jan kôranh ma găp.* ¹³ Geh bunuyh ăbă lah: ‘Ndră sông sa ma siăm ndră, jêh ri ndră ma sô đơn ndră sông sa i nây’. Di ngăñ, jêh ri Kôranh Brah mra n'groh lơi ndră lă bar i nây ăñ roh hêng. Yơn ma mâu ôh di ma nau khơh kler,

* **6:9** 6:9-10: Gal 5:19-21; Eph 5:5; 1Ti 6:9-10; NTM 22:15; KLê 18:22 * **6:11** 6:11: Tit 3:4-7; 1Pê 4:3-4 * **6:12** 6:12: 1Kô 10:23-24

rnglay sǎk mǎu ôh di ma jan ndr' khơh kler, ǎn kloh ueh sơm kơl jan kar rnê Kôranh Brah nơm, jêh ri Kôranh Brah nơm i jêng Kôranh ma rnglay sǎk bân đống.* ¹⁴ Kôranh Brah lě jan ǎn dǎk rêh Kôranh Yêsu, Pǎng mra jan ǎn bân dǎk rêh ma nau dơi Pǎng nơm đống.*

¹⁵ Ah khân ay may mǎu gĩt ðah, sǎk jǎn khân ay may jêng tâm ban ndr' êng êng ta sǎk jǎn Brah Krist, tâm ban ma mǎt, tâm ban ma ti? Lah ndr' ah di đống bân sỡ ndr' êng êng Brah Krist ma tâm rnglǎp ðah bu ur vǎng târ* ðah? Mǎu ôh, mǎu di ôh!* ¹⁶ Ah khân ay may mǎu gĩt ðah, bu moh i tâm đống ðah bu ur vǎng târ, pǎng i nây jêng du sǎk jǎn ðah bu ur i nây đống? Yorlah lě geh nchih ta Nau Kôranh Brah Ngơi lah: 'Bar hê khân pǎng jêng du rnglay sǎk'†. ¹⁷ Yơn ma bunuyh i gũ tâm rnglǎp ndr'el Kôranh Yêsu, i nuìh n'hâm nau mân pǎng jêng tâm rnglǎp ndr'el Kôranh Yêsu đống.

¹⁸ ǎn nchuǎt der hõm bơh nau tâm đống nau khơh kler. Nau tih ǎbǎ êng i bunuyh jan mǎu ôh djơh krêp tât ma sǎk jǎn. Yơn ma bu moh i jan ndr' khơh kler, pǎng i nây jan tih djơh krêp tât ma sǎk jǎn pǎng nơm đống. ¹⁹ Ah khân ay may mǎu gĩt ðah, sǎk jǎn khân ay may nây jêng nhìh jan brah i ntũk Brah Huêng Ueh i kloh ueh nơm gũ, i khân ay may lě sỡ đơn jêh bơh Kôranh Brah nơm? Khân ay may mǎu hõm ôh jêng kôranh ma

* **6:13** 6:13: Rôm 12:1 * **6:14** 6:14: 1Kô 15:35-49; Rôm 8:11

* **6:15** 6:15: 'Bu ur vǎng târ', ta trong 15 ndr'el ma ta trong 16 ngơi ma bu ur i bêch ðah bu klô pǎng sỡ prǎk. * **6:15** 6:15-18: 1Kô 5:9; 12:27; Rôm 8:9-13 † **6:16** 6:16: NNt 2:24

săk jăn khân ay may nôm jât,* ²⁰ yorlah Kôranh Brah lě tòm rnoh khlay ôk ngăn ma chuai khân ay may. Lah ndri ăn khân ay may đống săk jăn khân ay may nôm nây ma rnê Kôranh Brah†.*

7

Nau ndăp ur sai

¹ Lống nau ôp ta sambăt i khân ay may lě nchih njuăl ăn gáp nơh. O, ueh ma bu klô gũ du huê êng mâu ôh sô ur.* ² Yơn ma geh nau khơh kler, lah ndri ueh đễ ăn bu klô du huê du huê sô ur, jêh ri ueh đễ ăn bu ur du huê du huê sô sai.* ³ Ta nau bêch ndrel ur sai, iăt ma i sai jan tâng nau ếch i ur, jêh ri i ur iăt ma jan tâng nau ếch i sai kot nây đống. ⁴ I ur mâu ôh dơi jêng kôranh ma săk jăn păng nôm, yorlah săk jăn i nây jêng nơ i sai. I sai kot nây đống, păng mâu ôh dơi jêng kôranh ma săk jăn păng nôm, yorlah jêng nơ i ur. ⁵ Lah ếch tâm ng'ăt ndrăng nôm gay ma geh mong ma mboh sơm, ăn tâm di du ntô nau lor, lơi jô ir nar. Jêh ri dăng bêch ndrel kot ơm jât, klach lah Satăng ndơm yor ma khân ay may ăt mâu dơi nây. ⁶ Gáp ngơi kot nây mâu ôh di gáp đă khân ay may tâm ng'ăt ndrăng nôm, yơn ma lah ếch jan, jan kot nây dô. ⁷ Gáp ếch dăng lě khân ay may mâu sô ur sô sai kot gáp đống, yơn

* **6:19** 6:19: 1Kô 3:16 † **6:20** 6:20: Sambăt ơm i nchih ma ti abă ntop lah: 'Ndăp ma nuih n'hâm khân ay may đống ma rnê Kôranh Brah đống, yorlah săk, ndrel ma nuih n'hâm khân ay may nây jêng nơ Kôranh Brah nôm'. * **6:20** 6:20: 1Kô 7:23; Mat 20:28; Gal 2:20 * **7:1** 7:1: Mat 19:10 * **7:2** 7:2: 1Kô 6:13; 1Tê 4:3-5; Hêb 13:4

ma du huê du huê sǎk geh ndr̄ ueh Kôranh Brah
 ǎn êng êng bǎl, du huê geh kơt nđa, du huê geh
 kơt nto.*

⁸ Gấp dẫn mboh ma phung drôh ndăm, ndrel
 ma bu ur ndrô khât sai: Lah khân păng gũ rêh
 mâu ôh sỏ ur sỏ sai kơt gấp mâu ôh sỏ ur, lể ueh
 ngǎn. ⁹ Yơn ma lah khân păng mâu ôh dơi ấ dơi
 rdáng, ǎn sỏ ur sỏ sai dô. Nau sỏ ur sỏ sai i này
 jêng ueh rlau ma nuh n'hâm kơnh hô ir.*

¹⁰ Lỡng bunuyh i lể geh ur geh sai jêh, nau i
 dja mâu di gấp ôh đǎ, Kôranh Yêsu nơm đǎ: Ur
 lơi ôh ntloại sai.* ¹¹ Lah păng ntloại sai, lơi hôm
 ǎn ôh sỏ tay sai mhe, mâu lah iấ ma păng plớ sỏ
 tay sai ơm hỏ. Jêh ri i sai lơi ntloại ur păng nơm
 đống.

¹² Lỡng bunuyh ấǎ êng jât, nau i dja mâu ôh
 tǎ boh Kôranh Yêsu, tǎ boh mbung gấp nơm: Lah
 bu moh geh ur bunuyh mâu ôh nsing ma Kôranh
 Yêsu, yơn ma lah i ur này hôm ứch gũ rêh ndrel,
 lah ndrị lơi ôh ntloại păng. ¹³ Lah bu moh geh sai
 bunuyh mâu ôh nsing, yơn ma lah i sai này hôm
 ứch gũ rêh ndrel, lah ndrị lơi ntloại păng đống,
¹⁴ yorlah Kôranh Brah lể kơp kloh i sai bunuyh
 mâu nsing này yor ma i ur này, jêh ri Păng lể
 kơp kloh đống i ur bunuyh mâu nsing này yor
 ma i sai này*. Lah ndr̄ i này mâu ngǎn, oh kon
 khân păng i hôm kon se jêng tâm ban ma oh kon
 phung i mâu nsing. Yơn ma n'hêl nanể oh kon i

* **7:7** 7:7: Mat 19:11-12 * **7:9** 7:9: 1Ti 5:14 * **7:10** 7:10-11:

1Kô 7:39-40; Mat 19:1-9 * **7:14** 7:14: Nau dja mâu ôh geh khlay
 lah, bunuyh geh nau rklaih, yor ma ur sai, yor ma mẽ bở geh nau
 rklaih.

nây lẽ jêng bon lan Kôranh Brah. ¹⁵ Lah ur, mâu lah sai i mâu nsing ntloi khân ay may, ăn păng ntloi dô, khân ay may mâu ôh geh tih. Kôranh Brah lẽ kuăl jêh bân gũ ngao nau đăp mpăn.*
¹⁶ O bu ur i lẽ geh sai, klăp lah khân ay dơi leo păng sât nsing, o bu klô i lẽ geh ur, klăp lah khân may dơi leo păng sât nsing.*

Nau rgâl nau gũ ngao

¹⁷ Ta nau a êng jât, nôk Kôranh Brah kuăl khân ay may sât nsing, iăt ma rgâl loi nuih n'hâm djơh, yơn ma nau gũ ngao krao sach hôm kơt i khân ay may ê hỏ sât nsing ma Kôranh Yêsu, yorlah ta nau gũ ngao i nây tã bớh Kôranh Yêsu ăn. Gập vay ntũm nti dăng lẽ phung nsing ăp ntũk ăn jan kơt nđă. ¹⁸ Ntât lah, lah Kôranh Brah kuăl du huê bunuyh ta nau gũ ngao krao sach jêng phung Israel lẽ jêh koh ntô tâng nau vay Môsê, ăn păng hôm kơt nây dô. Lah Kôranh Brah kuăl du huê bunuyh mâu ôh di phung Israel mâu geh koh ntô, loi ôh ăn păng koh ntô lăp jêng phung Israel.* ¹⁹ Nau koh ntô mâu koh ntô, mâu ôh geh nau khlay. Nđơ i geh nau khlay jan tâng nau Kôranh Brah nơm đă. ²⁰ A mớim bả nau gũ ngao khân ay may nôk Kôranh Brah kuăl khân ay may nớh, ăn gũ ngao kơt i nây jât dô. ²¹ Lah Kôranh Brah kuăl du huê bunuyh ta nau gũ ngao krao sach jan dăk bu, loi ôh rngot, yơn ma lah dơi

* **7:15** 7:15: Rôm 12:18 * **7:16** 7:16: 1Pê 3:1-2 * **7:18** 7:18-19: Rôm 2:28-29; Gal 5:2-6; 6:15; Kôl 2:11

jêng kon me† jan dô, dôi đống,* ²² yorlah bu moh i jan dâk bu nôk Kôranh Brah kuăl, păng i này jêng kon me ta Kôranh Brah nôm, jêh ri bu moh i lể ơm kon me nôk Kôranh Brah de kuăl, păng i này jan dâk Brah Krist nôm.* ²³ Kôranh Brah lể tốm rnoh khlay ốk ngấn ma chuai khân ay may. Lah ndri ăn khân ay may gũ ta nâm Kôranh Brah, iăt nau Păng, loi hôm jan tâng nau tih đah nau Kôranh Brah ứch kot bunuyh i mâu nsing.* ²⁴ O oh nô ta nau nsing, a mớm bả nau gũ ngao khân ay may nôk Kôranh Brah kuăl khân ay may nôm, ăn gũ ngao kot i này jât ta nấp mắt Kôranh Brah.

Nau sỏ ur sai mâu lah mâu

²⁵ Lống phung bu ur drôh i ê hỏ geh sai, gáp mâu ôh geh nau đả bớh Kôranh Brah ta nau sỏ sai, yớn ma Kôranh Brah yỗ ndach ma gáp, ăn gáp geh nau mân gít blao i di ma iăt, jêh ri gáp mớh nkoch ma khân ay. ²⁶ Tâng ma nau gáp mân, yor ma aở dja geh ốk nau jêr, lah bu moh i ê hỏ geh ur ê hỏ geh sai, ăn păng hôm gũ êng kot ơm jêng ueh rlau.*

²⁷ Lah bu moh i lể geh ur, loi ôh ntloi păng, lah bu moh i ê hỏ geh ur, loi ôh sỏ ur. ²⁸ Yớn ma bu moh i sỏ ur mâu ôh tih, jêh ri bu moh i sỏ sai kỏ mâu đống tih. Yớn ma khân păng i này mra geh

† **7:21** 7:21: Ta rnôk Pôl, bunuyh dâk bu, lah dâk i này geh prak ma chuai sảk păng nôm, păng dôi chuai jêng kon me. * **7:21** 7:21: Gal 3:28; Phm 1:16 * **7:22** 7:22: Eph 6:5-9 * **7:23** 7:23: 1Kô 6:20; Mat 20:28 * **7:26** 7:26: Mat 24:19

nau jêr ta nau rêh‡. Jêh ri gâp yố khân ay may, kot ndri dâng gâp mboh kot này.*

29 O oh nô ta nau nsing, gâp dân mboh ma khân ay may, mong nar Kôranh Yêsu plở vâch boi ma tât. Jât dja jât nấp tay, dâng lể bunuyh i lể geh ur ăn pãng sớm kôl jan kar ma Kôranh Brah tâm ban ma bunuyh mâu geh ur đống.* 30 Bu moh i nhũm rngot, jan tâm ban ma mâu nhũm rngot hỏ, bu moh i ueh maak, jan tâm ban ma mâu ueh maak hỏ, bu moh i rvăt đrăp ndr, jan tâm ban ma mâu jêng ma đrăp ndr pãng nờm hỏ,* 31 jêh ri bu moh i đống đrăp ndr ta neh ntu dja, lơi ta pờh ma rvê đrăp ndr i này đống, yorlah neh ntu dja mra roh.

32 Gâp mâu ứch khân ay may geh nau rvê ma ndr ta neh ntu dja. Bu moh i mâu geh ur, pãng rvê ma nau Kôranh Brah đơm, mân êng lah, mớ mjan gay ma ăn Kôranh Brah de rằm. 33 Lống bunuyh i lể geh ur, pãng rvê ma ndr ta neh ntu dja, mân êng lah, mớ mjan gay ma ăn ur de rằm, 34 jêh ri ta nau mân pãng geh nau rvê bar ntil, rvê ma Kôranh Brah, rvê ma ur đống. Bu ur i mâu geh sai, ndrel ma bu ur hôm drôh pãng rvê ma nau Kôranh Brah đơm, mân êng lah, mớ m sớm kôl jan kar ma Kôranh Brah ma lể nuh n'hâm, ma lể sắk jăn. Lống bu ur i lể geh sai, pãng rvê

‡ 7:28 7:28: Bu abả mân lah, Pól ngời ma nau jêr ma bunuyh i nsing ma Brah Yêsu, yorlah ta nỏk này bu lể jan jêr ma phung nsing (Hêb 10:4), bu abả mân lah Pól ngời ma nau jêr jôt ta nar n'glẻ dút (Mar 13:7-13). * 7:28 7:28: 1Kô 7:2; Mat 24:19 * 7:29 7:29: Rôm 13:11; Luk 14:26-27 * 7:30 7:30-31: 1Yô 2:15-17

ma ndr ta neh ntu dja, mân êng lah, môm jan gay ma ăn sai de rãm. ³⁵ Gáp ngơi nau i này gay ma ueh ma khân ay may, gáp máu ôh ếch ncháp khân ay may, gáp ếch khân ay may gũ ngao ueh, jan kar ăn ma Kôranh Brah máu geh nau rkhuak. ³⁶ Yơn ma lah geh bar hê lể jêng nkuăt ndrôi, lah i bu klô mân máu di ôh lah máu ndăp đah ndrôi păng nôm này, jêh ri lah nuih n'hâm păng đok đol hô ngãn ếch ndăp, ăn jan tâng nau păng ếch dô, ndăp păng đah bu ur i này, máu ôh tih. §* ³⁷ Yơn ma lah bu moh i lể máu ếch ôh tâm ndăp, dơi mât njrăng săk jăn păng nôm, jêh ri dơi ăt nuih n'hâm máu ôh đok đol, bunuyh i này jan ueh. ³⁸ Lah ndr bu moh i ndăp đah ndrôi păng nôm bunuyh i này jan ueh, yơn ma bu moh i máu ôh ndăp gũ dôm hỏ, bunuyh i này lơ ma hô jan ueh.

³⁹ Lỗng bu ur lể geh sai, nôk sai hôm rêh iăt ma ur gũ đah sai nâng, yơn ma lah sai lể khăt, ri mớ păng dơi sỏ tay sai êng dah ếch păng nôm, dơn sỏ sai ta phung i nsing ma Kôranh Brah hỏ.* ⁴⁰ Yơn ma tâng ma nau gáp mân, lah bu ur i này máu hôm ôh sỏ sai jăt, păng lơ ma rãm maak. Gáp máu ôh đă nau i này, gáp ngơi kơt này tã boh Brah Huêng Ueh Kôranh Brah gũ ta gáp.

§ **7:36** 7:36: Dâng lể trong 36: Máu lah 'Lah geh i bở mân máu di ôh lah máu ăn kon bu ur păng sỏ sai, klach lah i kon này lơ ma ranh, di ăn păng sỏ sai, jan tâng nau i bở ếch dô. Bở i này máu ôh tih, di păng ăn i kon păng sỏ sai'. * **7:36** 7:36-38: 1Kô 7:2; Mat 19:11-12 * **7:39** 7:39-40: 1Kô 7:10-11; Rôm 7:2-3; 1Ti 5:11-14

8

Nđơ ớp brah

¹ Aăơ dja dẫn mân ma puăch i bu lể jêh ớp brah này. Bân lể gít jêh, dăng lể bân geh nau gít vât, tih ma nau gít vât jan ăn kộp êng săk nơm kuống gít blao rlau bu, yơn ma nau rống mâu ôh kot này, nau rống jan ăn tâm kơl rdők njêng.*

² Lah geh du huê bunuyh mân êng săk păng nơm lah lể gít vât nau jêh, lah ndri păng i này ê hỏ ôh gít vât ngă. ³ Jêh ri bu moh i rống ma Kôranh Brah, Kôranh Brah gít năl păng i này đống.

⁴ Lah ndri ma nau sông sa nđơ ớp brah, bân lể gít jêh brah êng ta kalơ trôk ta neh ntu dja mâu ôh geh nau khlay, geh du huê Kôranh Brah nơm đơm geh nau khlay.* ⁵ Bol lah geh nđơ i bunuyh de kộp lah brah ta kalơ trôk, mâu lah ta neh ntu dja kađôi, bol lah geh ők nđơ bu kộp lah brah, kộp lah kôranh,* ⁶ yơn ma bân geh du huê đơm, Kôranh Brah i Bở bân. Păng lể njêng dăng lể ntil nđơ, jêh ri bân dja gủ rêh gay ma geh nau khlay ma Păng nơm. Nđri bân geh du huê Kôranh đơm, jêng Brah Yêsu Krist. Dăng lể nđơ geh yor ma tă bớh Păng, jêh ri bân geh nau rêh jêng yor ma tă bớh Păng đống.

⁷ Yơn ma mâu ôh geh dăng lể bunuyh gít vât nau i này. Bunuyh aăă nuh n'hâm hôm e mân ma brah êng êng i này, khân păng sa puăch ớp brah tâm ban ma hôm e ớp brah đống, yorlah

* **8:1** 8:1-13; 1Kô 10:25-11:1; Mat 15:11; Kar 15:29; Rôm 14:1-3, 14-23; 1Ti 4:2-5; Hêb 13:9 * **8:4** 8:4; NVa 4:35 * **8:5** 8:5-6; 1Kô 10:19-20; Êph 1:21; Kôl 1:15-17

nuih n'hâm khân păng mân hôm rdja, jan ăn khân păng mân rvê khân păng lě jan tih. ⁸ Yơn ma mầu ôh yor ma ndơ sông sa Kôranh Brah rằm ma bân. Lah bân mầu sa kỗ Păng mầu rằm rlau ma bân, lah bân sa kỗ Păng mầu rằm rlau ma bân đổng.* ⁹ Yơn ma ăn njrăng, klach lah nau đơi i khân ay may đơi sa nây jan ăn phung i rdja ta nau nsing geh nau rvê ta nuih n'hâm chrao.* ¹⁰ Lah geh du huê bunuyh i rdja ta nau nsing say khân ay may gũ sông sa ndơ ôp brah ta jay ntũk ôp brah, lah ndri nau i nây leo păng sông sa ndơ ôp brah đổng, bol lah ta nuih n'hâm păng hôm mân ndơ i nây jêng tih. ¹¹ Lah ndri bunuyh rdja i nsing ma Brah Krist i nây roh hêng yor ma tă bơh nau khân ay may gũt vât, yơn ma Brah Krist lě khât tâm ntang ma păng đổng.* ¹² Lě tih jêh, lah khân ay may jan tih ăn ma oh nô i nsing rdja jan ăn păng rngot rvê ta nuih n'hâm. Nđơ i nây khân ay may lě jan tih ma Brah Krist đổng. ¹³ Kơt ndri lah geh du ntil ndơ sông sa i jan ăn du huê oh nô ta nau nsing geh jan tih, gáp mầu hôm ếch ôh sa puăch n'ho ro, gay ma lơi ăn du huê oh nô ta nau nsing geh jan tih.*

9

Nđơ di ma mpôl kôranh oh mon ôp

¹ Ah gáp dja ơm mầu geh ãah jêng kon me? Ah gáp dja ơm mầu di ãah jêng kôranh oh mon?

* **8:8** 8:8: Rôm 14:17 * **8:9** 8:9: Rôm 14:13 * **8:11** 8:11-12: 1Kô 8:1; Rôm 14:15, 23; 15:1-2 * **8:13** 8:13: Rôm 14:21

Ah gâp dja ơm mâu ãah say Brah Yêsu i Kôranh bân nôm? Ah khân ay may i nây ơm mâu di ãah, geh nau rklaih jêng ãon lan Kôranh Brah, tă bôh nau gâp mboh nkoch?*

² Bol lah geh bu a êng mâu kôp gâp jêng kôranh oh mon kađôi, yon ma gâp jêng kôranh oh mon ăn ma khân ay may ngãn, yor ma bu dơi gĩt say gâp jêng kôranh oh mon ngãn, tă bôh khân ay may nsing ma Kôranh Yêsu i gâp mboh nkoch.*

³ Yon ma gâp ứch ơh ma phung i lah gâp mâu jêng kôranh oh mon kôc nđã:

⁴ Ah gâp, nđrel ma nô Barnabas ơm mâu di ãah dơi ma sữ dơn ndơ sông sa bôh bunuyh i hên ntũm nti?*

⁵ Ah hên dja ơm mâu di ãah dơi ma leo du huê ur i nsing hãn nđrel, kôc mpôl kôranh oh mon aã êng, kôc oh oh Kôranh Yêsu, kôc Pêtrô* đống?

⁶ Mâu lah ơm geh hên dơn lah i iãt ma jan kar siãm êng nau rêh hên nôm nôk ntũm nti bu?

⁷ Ơm geh lah bunuyh jan taken sữ đống prăk pãng nôm? Ơm geh lah bunuyh tãm tơm play yũng yar ãon du lôk mir, jêh ri mâu ôh sữ sa i play nây? Ơm geh lah bunuyh chiãp du phung be biãp, jêh ri mâu ôh sữ nhêt i dak toh pãng nây?

⁸ Nau gâp ngơi i nây mâu ôh dơn tă nau mân bunuyh dơn, yon ma ta nau vay Môsê i tă bôh Kôranh Brah lê geh nchih lah kôc nây đống.

⁹ Yorlah ta nau vay Môsê lê geh nchih lah: 'Lơi

* **9:1** 9:1: Kar 9:3-5, 15 * **9:2** 9:2: 1Kô 4:15; 2Kô 12:12 * **9:4** 9:4-15: Luk 10:7; Kar 20:33-35; Gal 6:6; 2Tê 3:7-10 * **9:5** 9:5: Ta nau ngơi Grek lah: 'Kêphas'.

ôh n'grêp mbung ndrôk nôk păng jot plên ba††. Nđơ i này Kôranh Brah lah đơn ma ndrôk đơn bơh? Mâu ôh!* ¹⁰ Kôranh Brah mâu ôh lah ma ndrôk đơn, Păng lah ma bân đơng. Nau i này geh nchih, gay ma bunuyh i chuõr sre geh nau rơm geh ba bõh sre i này, jêh ri bunuyh i rpăt plên geh nau rơm geh ba bõh i păng rpăt plên i này đơng.

¹¹ Lah hên lể nti khân ay may tâm ban ma lể tuch jêh gãr mpeh bõh Brah Huêng Ueh ăn ta khân ay may, lah ndri a mớu dăng mâu di lah hên sỏ đơ bõh khân ay may ma siãm sắk i tâm ban ma rek? ¹² Lah bu êng i nti khân ay may lể dah này đơi sỏ đơ ma siãm sắk bõh khân ay may, lah ndri hên lơ hô rlau khân păng i này đơi sỏ, yờn ma hên mâu ôh đơng nau đơi i này, klach lah nking bu iắt nau mhe mhan ueh Brah Krist, ueh rlau hên nsrôyh jan kar nđập ma gũ ắt dăng lể hỏ. ¹³ Ớm khân ay may mâu gít ãh? Bu moh i jan kar ta nhieh jan brah ma Kôranh Brah, păng i này geh đơ sỏng sa tã bõh đơ bu nhhờ ta nhieh jan brah i này đơng, jêh ri bu moh i jan kar ta nsưng gũch pur đơ jan brah, păng i này geh đơ sa tã bõh đơ bu nhhờ ta nsưng i này đơng.*

¹⁴ Kót ndri đơng Kôranh Brah lể ã jêh, bu moh i mbõh nkoch nau mhe mhan ueh, di ma păng siãm nau rêh tã bõh nau jan kar i này đơng.*

† **9:9** 9:9: Nôk này phung Israel, khân păng plên Ba Prăng kót nđa. † **9:9** 9:9: NVa 25:4 * **9:9** 9:9: 1Ti 5:17-18 * **9:13** 9:13: NKơ 18:8-19, 21-24 * **9:14** 9:14: Luk 10:7

¹⁵ Yơn ma gáp, gáp mâu ôh đổng nau dơi i này, jêh ri nau gáp nchih i dja, mâu ôh gay ma đã khân ay may kơl gáp jât nấp tay. Ueh rlau ăn gáp khât lơi đah ma ăn gáp jan nau dơi i này, gay ma gáp hôm dơi n'hi êng sắk ma nau mboh nkoch nau mhe mhan ueh đơm đơm.* ¹⁶ Nau gáp mboh nkoch nau mhe mhan ueh này, mâu di ôh gáp dja n'hi êng sắk gáp nơm, yorlah nau i này tã boh Kôranh Brah đã gáp jan. Rêh rnhăl ngăn ma gáp, lah gáp mâu ôh mboh nkoch nau mhe mhan ueh!* ¹⁷ Lah gáp mboh nkoch nau mhe mhan ueh này tã boh nuih n'hâm gáp nơm ếch đơm, jêng di ma gáp geh ndơ nkhôm, yơn ma nau jan kar i dja mâu ôh đơn tã boh nuih n'hâm gáp nơm ếch đơm, jêng tã boh Kôranh Brah nơm jao ăn ma gáp.* ¹⁸ Lah ndri moh bả ndơ nkhôm ma gáp geh? Nđơ nkhôm ma gáp jêng nau mboh nkoch nau mhe mhan ueh mâu geh sỏ khlay, gáp mâu ôh đổng nau dơi tã boh nau mboh nkoch nau mhe mhan ueh.

¹⁹ Bol lah gáp mâu ôh jêng dâk bu mâu geh bunuyh jan kôranh gáp kađôi, gáp hôm jan tâm ban ma dâk ma dâng lể bunuyh, gay ma leo bunuyh ốk ngăn ăn sât nsing ma Brah Krist.*

²⁰ Nôk gáp gủ ndrel phung Israel, gáp gủ ngao tâm ban ma phung Israel, gay ma leo khân păng nsing ma Brah Krist. Gáp mâu ôh jêng bunuyh i iăt ma jan tâng nau vay Môsê, yơn ma nôk gáp gủ ndrel phung i ndjôt nau vay i này, gáp jan tâng

* **9:15** 9:15: Kar 20:33-35 * **9:16** 9:16: Kar 4:20 * **9:17** 9:17: Kar 9:15 * **9:19** 9:19: Rôm 15:1; 1Kô 10:33

nau vay, gay ma leo khân păng nsing ma Brah Krist.* ²¹ Nôk gáp gũ ndrel phung i mâu di phung Israel i mâu ndjôt nau vay Môsê, gáp gũ ngao tâm ban ma phung i này đống, gay ma leo khân păng nsing ma Brah Krist, gáp mâu ôh mbăr lơi nau vay Môsê i tă bôh Kôranh Brah, yơn ma gáp lể ndjôt nau vay Brah Krist.* ²² Nôk gáp gũ ndrel bunuyh i rdja, gáp jan tâm ban ma bunuyh rdja i này đống, gay ma leo khân păng nsing ma Brah Krist. Gáp gũ ndrel dăng lể bunuyh, gáp jan ăn tâm ban ma khân păng i này đống, gay ma geh rklaih bunuyh aă.* ²³ Yơ ma nau mhe mhan ueh này, gáp nsrôyh jan dăng lể ndr i này, gay ma sỏ đơ ndrueh i tă bôh nau mhe mhan ueh i này đống.

²⁴ Khân ay may lể gít jêh, dăng lể phung i pâl tâm rlong nchuă, khân păng nchuă dăng lể ma bả, yơn ma geh du huê đơ i geh ndr nkhôm. Lah ndrỉ đã khân ay may gũ rêh tâm ban ma pâl tâm rlong nchuă ăn kơ păng i du huê này đơ, gay ma geh ndr nkhôm bôh Kôranh Brah.*

²⁵ Dăng lể phung i pâl tâm rlong i này, khân păng khôm nsrôyh dứt hô ngă, gay ma geh ndr nkhôm‡ i hơm blao ôm roh lěk mâu ôh hơm n'ho ro. Lông bân, bân khôm nsrôyh gay ma geh ndr nkhôm i hơm geh n'ho ro mâu ôh blao ôm roh lěk. ²⁶ Ndrỉ dăng gáp gũ rêh tâm ban ma nchuă ăn kơ này, gáp mâu ôh nchuă pâl đơ, gáp tâm

* **9:20** 9:20: 1Kô 10:33; Kar 16:3; Rôm 11:13-14 * **9:21** 9:21: Gal 6:2 * **9:22** 9:22: 1Kô 8:13; 2Kô 11:29 * **9:24** 9:24-27: Phi 3:12-16; 1Ti 6:12; 2Ti 4:7-8 ‡ **9:25** 9:25: 'Ndr nkhôm', mâu lah 'Môk kađăch'.

ban ma bunuyh tâm thũk bǎl gay ma dơi, mâu di tâm thũk đah sial dơm. ²⁷ Gáp nsrôyh nsram đăp sǎk jǎn gáp nơm ăn dũt hô ngǎn, jêh ri jan kôranh ma sǎk gáp nơm, gay ma lơi ôh jêh gáp mboh nkoch nau mhe mhan ueh ăn ma bu êng êng, jêh ri bêng ma Kôranh Brah mbǎr gáp.

10

Njřǎng đah brah nklǎ

¹ Ở oh nô ta nau nsing, gáp ũch ăn khân ay may gĩt n'hêl, nôk Môsê leo phung u che phung Israel hên lôh boh bri Esip kǎl e nơh, dǎng lě khân pǎng lě hǎn ta nâm n'hâm tũk i Kôranh Brah ăn, ndrel ma lě lǎp rgǎn dak vǎch dak vǎr dadê.* ² Dǎng lě khân pǎng lě hǎn ta nâm tũk, lě hǎn rgǎn dak vǎch dak vǎr i nây, tâm ban ma geh bǎptem yũk ma tũk, ndrel ma dak vǎch dak vǎr i nây, jêng nau mbên ma dǎng lě khân pǎng jêng phung bunuyh iǎt tâng Môsê. ³ Dǎng lě khân pǎng i nây lě sông sa jêh Mana ndơ i tả boh nau dơi Kôranh Brah ăn,* ⁴ jêh ri dǎng lě khân pǎng i nây lě nhêl dak i tả boh nau dơi Kôranh Brah ăn dadê. Khân pǎng lě nhêl jêh dak i lôh boh lũ klêr i tả boh nau dơi Kôranh Brah ăn. Lũ klêr i nây jêng nau mbên ma Brah Krist i hǎn ndrel khân pǎng.* ⁵ Yơn ma geh ők khân pǎng i nây mâu ôh di ma nuh n'hâm Kôranh Brah, yorlah khân pǎng jan tih, ndri dǎng Kôranh Brah ăn khân pǎng khât mbrach ta bri rdah.*

* **10:1** 10:1: NNg 13:21-22; 14:19-22

* **10:3** 10:3: NNg 16:14-15

* **10:4** 10:4: NNg 17:6; NKơ 20:7-11

* **10:5** 10:5: NKơ 26:64-65

6 Dâng lě nau i nây jêng nau nti ăn ma bân, gay ma lơi ăn bân kơnh ma nau djõh kơt khân păng i nây,* 7 gay ma lơi ăn bân yơk mbah ma rup brah, kơt phung u che phung Israel abă i yơk mbah ma rup brah nây nơh, kơt i lě geh nchih ta Nau Kôranh Brah Ngơi lah: 'Phung bon lan gũ nhêt sông sa ndrel, jêh ri khân păng dâk pâl rlưn bở bớch'†, nau i nây ngơi ma phung khân păng sông sa ndơ jan brah ăn ma rup brah kon ndrôk i mhe mon ma mayh. 8 Lơi ăn bân bok gor sắk tâm dõng jan ndơ i khơh kler kơt phung khân păng abă nây nơh, jêh ri khân păng i nây khât roh hêng lě 23000 nuyh ta du nar đơm.* 9 Lơi ăn bân rlong nau đơi Brah Krist*, kơt phung khân păng i nây abă rlong nau đơi Kôranh Brah, jêh ri khât bêh chôk.* 10 Khân ay may lơi ôh ốk bār njar sêk, kơt phung khân păng abă i nây, jêh ri Kôranh Brah đă du huê tông pãr† khât lơi khân păng.* 11 Dâng lě ndơ i nây, jêng nau ntũm nti ăn bân, jêh ri lě geh nchih ta Nau Kôranh Brah Ngơi, gay ma ntũm nti bân i gũ rêh bơi tât ma nar n'glě dũt dja.

12 Lah ndri bu moh i kơp êng sắk păng nơm lě dâk nập rkâk ngãn ta nau nsing, iất ma păng njrăng, klach lah chôt jan tih.* 13 Nau ndơm i geh ma khân ay may, jêng nau ndơm i vay geh

* **10:6** 10:6: NKơ 11:4, 34 † **10:7** 10:7-8: NNg 32:6 * **10:8** 10:8: NKơ 25:1-9 * **10:9** 10:9: 'Brah Krist', sambũt ơm i nchih ma ti abă lah: 'Kôranh'. * **10:9** 10:9: NKơ 21:4-9 † **10:10** 10:10: 'Tông pãr', mâu lah 'Tông pãr nau khât', mâu lah 'Nơm n'groh lơi'. * **10:10** 10:10: NKơ 14:35-37 * **10:12** 10:12: Gal 6:1

ma dâng lě bunuyh. Kôranh Brah răp jăp ngăñ, Păng mầu ôh ăn Satăng i kôranh mpôl brah djơh ndơm khân ay may rlau bơh n'hâm suan khân ay may đơi, yơn ma nôk khân ay may mập nau ndơm, Păng mra ăn trong ma khân ay may der, đơi nsrôyh ăt.*

Nau nhêt sa ôp brah, jêh ri nau nhêt sa nkah kloh ueh

¹⁴ Ở oh nô ta nau nsing i gáp rông, lah ndri ăn khân ay may du hỏm bơh nau yơk mbah ma rup brah.* ¹⁵ Nau gáp ngơi ma khân ay may dja, tâm ban ma gáp ngơi ma bunuyh i gít blao, lah ndri ăn khân ay may nklôn êng dô nau i gáp ngơi dja. ¹⁶ Nôk bân nhêt sa nkah kloh ueh, bân sỏ kchok lah ueh Kôranh Brah, ndơ i nây geh nau khlay bân tâm rnglăp ndrel mham Brah Krist, jêh ri nôk bân gích sa numpăng, geh nau khlay bân tâm rnglăp du săk jăn ndrel Brah Krist đổng.* ¹⁷ Ta nây geh numpăng du mlỏm đơm, kơt ndri bol lah bân geh ỏk bunuyh sa kađôi, bân hỏm jêng du săk jăn đơm đổng, yorlah dâng lě bân sa bơh numpăng i du mlỏm nây.* ¹⁸ Lỏng uănh hỏm phung Israel, phung i sỏng sa puăch i bu nhơhơ jan brah ma Kôranh Brah ta kalơ nsưng gũch pur ndơ jan brah, khân păng lě gũ ndrel Kôranh Brah, yor ma sa puăch nhơhơ i nây đổng.* ¹⁹ Nau i gáp ngơi nây moh nau khlay? Gáp mầu ôh lah

* **10:13** 10:13: 2Pê 2:9; Hêb 4:14-16 * **10:14** 10:14: Kôl 3:5; 1Yô 5:21 * **10:16** 10:16: 1Kô 11:23-25; Mat 26:26-28 * **10:17** 10:17: 1Kô 12:27; Rôm 12:5 * **10:18** 10:18: NVa 12:17-18; 27:7

puăch i bu ôp brah ma rup brah geh nau khlay, jêh ri brah nklă i bu ôp nây mâu đổng geh nau khlay.* ²⁰ Mâu ôh! Nđơ i nây mâu ôh geh khlay, yơn ma dâng lể nđơ i khân păng ôp nây, khân păng ôp ma brah đjơh, mâu ôh nhhơ ma Kôranh Brah. Kơt ndri dâng gáp mâu ếch khân ay may tâm gũ ndrel brah đjơh, yor ma sa puăch ôp brah i nây.* ²¹ Mâu di ôh khân ay may nhêt nkah Kôranh Yêsu, jêh ri nhêt nđơ bu ôp brah ma brah đjơh đổng. Mâu di ôh khân ay may sông sa nkah Kôranh Yêsu, jêh ri sông sa nđơ bu ôp brah ma brah đjơh đổng.* ²² Mâu lah bân ếch ăn Kôranh Brah ji nuh ma bân? Mâu lah ơm bân dăng rlau Kôranh Brah?

An gũ rêh rnê Kôranh Brah

²³ Geh bunuyh abă lah: “Gáp geh nau đơi ma jan dâng lể nđơ” yơn ma mâu ôh di dâng lể nđơ geh khlay dadê. “Gáp geh nau đơi ma jan dâng lể nđơ” yơn ma mâu ôh di dâng lể nđơ kơl nau nsing bân lơ ma nập.* ²⁴ Lơi ôh ăn du huê du huê bân joi gay ma ueh ma săk nơm đơm, yơn ma ăn du huê du huê bân joi gay ma ueh ma bunuyh a êng.* ²⁵ Dâng lể nđơ i bu tách ta ntũk bu tách đrăp, khân ay may sông sa dadê dô, mâu ôh khăch ôp nđơ i nây tả bơh ôp brah mâu lah mâu, lơi klach ta nuh n'hâm jan tih nau i nây,* ²⁶ yorlah lể geh nchih jêh nau kơt nđă: ‘Neh ntu,

* **10:19** 10:19-20: 1Kô 8:4-7; KLê 17:7 * **10:20** 10:20: NVa

32:17 * **10:21** 10:21: Mat 6:24; 2Kô 6:14-17 * **10:23** 10:23:

1Kô 6:12 * **10:24** 10:24: 1Kô 8:13; Rôm 15:2; Phi 2:3-4; Kôl

3:13-14 * **10:25** 10:25: 1Kô 8:1-13

ndrel ma dâng lě ndơ ta neh ntu jêng ndơ Kôranh Brah nơm dadê'†. ²⁷ Lah du huê bunuyh i mâu nsing ma Brah Yêsu, jă khân ay may hăn nhêt sông, lah khân ay may ữch hăn, khân ay may sông sa dô dâng lě ndơ bu ăn nây, mâu khăch ôh ôp, mâu khăch ôh klach ta nuih n'hâm di mâu đi. ²⁸ Yơn ma lah geh bu mboh ma khân ay may: "Trao dja trao ôp brah" khân ay may lơi ôh sa. Jan kot nây gay ma ueh ma nơm i năk lě mboh nây, ndrel ma nơm i năk lě mboh nây mâu ôh klach rvê ta nuih n'hâm. ²⁹ Ta nây gáp mâu geh ôh ngơi ma nuih n'hâm khân ay may nơm, gáp ngơi ma nuih n'hâm păng i năk mboh nây. Lah ta nuih n'hâm bân nơm lě gít di, jan dô, mâu khăch ôh klach rvê nau bu măn bu lah. ³⁰ Lah gáp sông sa ndơ i gáp lě jêh lah ueh ma Kôranh Brah, lah ndri bu êng mâu ôh hôm di jưch ma ndơ sông sa i nây.*

³¹ Lah ndri moh ndơ khân ay may sông sa, mâu lah nhêt, mâu lah moh ndơ jan kađôi, dâng lě ndơ khân ay may jan gay ma ăn yơk Kôranh Brah nơm hỏ.* ³² Ân khân ay may lơi ôh jan du ntil ndơ nau nking mpeh ma nau nsing, bol lah phung Israel, phung i mâu di phung Israel, khân păng nsing ma Brah Krist mâu lah mâu nsing kađôi.* ³³ Gáp nơm kot ndri đống, dâng lě ndơ gáp jan, gáp nsrôyh jan gay ma ăn di nuih n'hâm dâng lě bunuyh, gáp mâu ôh joi gay ma ueh ma săk gáp nơm đơm, gáp nsrôyh joi gay

† **10:26** 10:26: NMO 24:1 * **10:30** 10:30: 1Ti 4:4 * **10:31**
10:31: Kôl 3:17 * **10:32** 10:32: Rôm 14:13; Kôl 4:5; 1Pê 3:15-16

ma ueh dâng lě bunuyh, gay ma khân păng geh nau rklaih.*

11

¹ An khân ay may jan tâng gâp, kot gâp jan tâng Brah Krist nơm đōng.*

Nđơ ueh mâu ueh ta nôk yok mbah ma Kôranh Brah nơm

² [Ơ oh nô ta nau nsing], gâp rãm maak ma khân ay may hôm kah gĩt gâp, gâp rnê khân ay may, yorlah dâng lě nđơ i gâp lě đơn ntũm nti khân ay may nơh, khân ay may ndjôt jan tâng kot dadê. ³ Yơn ma gâp ũch mboh ăn khân ay may gĩt, Brah Krist jêng tâm ban ma bôk ma dâng lě bu klô, sai jêng tâm ban ma bôk ma ur păng nơm, jêh ri Kôranh Brah jêng tâm ban ma bôk ma Brah Krist.* ⁴ Bu moh bu klô i mboh sơm, mâu lah ntơyh nau ngơi Kôranh Brah nđâp ma geh nđơ nđô ta bôk, bu klô i nây jêng mưch ma Brah Krist*. ⁵ Tih ma bu moh bu ur i mboh sơm, mâu lah ntơyh nau ngơi Kôranh Brah mâu ôh geh nđô bok ta bôk, bu ur i nây jêng mưch ma Brah Krist, păng jan kot nây tâm ban ma păng kreh lưn bôk đōng. ⁶ Lah bu moh bu ur i mâu nđô bok ta bôk, ăn bu ur i nây kreh lơi sôk, mâu lah kreh lưn bôk. Lah păng klach đit prêng kreh

* **10:33** 10:33: 1Kô 9:19-23 * **11:1** 11:1: 1Kô 4:16; Rôm 15:2; Phi 3:17; 4:9; 1Tê 1:6-7; 2Ti 3:10; Tit 2:7; 1Pê 5:3 * **11:3** 11:3: NNt 3:16; Êph 5:21-24 * **11:4** 11:4: Bân abơ dja mâu ôh vât n'hêl ma nau Pôl ngơi ta trong 4-7 dja. Geh ôk phung nsing ta neh ntu mâu hôm ôh jan tâng nau i nây, yơn ma hôm geh phung nsing abã hôm jan.

lơi sôk, mâu lah kreh lưn bôk nây, iătt ma ndô bok dô. ⁷ Bu klô mâu ôh di ndô bok ta bôk, yorlah Kôranh Brah njêng bu klô tâm ban ma Păng nôm, ndri bu klô nhơ nau chrêk lợp Kôranh Brah ăn bu say. Yơn ma bu ur nhơ nau chrêk lợp bu klô ăn bu say,* ⁸ yorlah bớh nôm nớh Kôranh Brah mâu ôh njêng Ađăm i bu klô lor bu lờh bớh bu ur, Păng njêng bu ur i lờh bớh bu klô.* ⁹ Jêh ri Kôranh Brah mâu ôh njêng bu klô gay ma tâm kớl bu ur, Păng njêng bu ur gay ma tâm kớl bu klô. ¹⁰ Yor ma ndơ i nây, ndâp ma phung tông pắ, di ma bu ur ndô bok ta bôk pắng nôm, jêng ndơ nhơ i sai geh nau đơi ma pắng.

¹¹ Yơn ma ta nắp mắt Kôranh Yêsu, mâu ôh geh bu ur lah mâu geh bu klô, jêh ri mâu ôh geh bu klô lah mâu geh bu ur đống, khân pắng tâm kớl bắ.* ¹² Yơn ma bol lah bu ur dak bôk lờh bớh bu klô, dắng lờ bu klô êng bớh kới deh tắ bớh bu ur, jêh ri dắng lờ ndơ lờ tắ bớh Kôranh Brah nôm dadê. ¹³ Lờng khân ay may nklờn êng sắk khân ay may nôm heh: Di đống bớh, lah ăn bu ur mớh sớm ma Kôranh Brah mâu geh ndô bok ta bôk? ¹⁴ Lờng mpeh ma bu klô, ớm mâu gắt n'hêl lah jêng ndơ đít prêng ma rong sớk jong? ¹⁵ Yơn ma mpeh ma bu ur, rong sớk jong jêng ueh ngắn ma khân pắng. Kôranh Brah lờ ăn khân pắng rong sớk jong nây, jêng ndơ ndô ta bôk khân pắng nôm. ¹⁶ Yơn ma lah geh bunuyh ứch tâm rlắch ma nau i nây, hên mâu vay ôh jan êng bớh ndơ i nây, jêh ri ta phung nsing ma Kôranh Brah dắng

* **11:7** 11:7: NNt 1:17 * **11:8** 11:8-9: NNt 2:20-23 * **11:11** 11:11: Gal 3:28

lẽ ntũk êng jât kỏ mâu vay jan êng bớh ndr i này đống.

Nau nhêt sa nkaah kloh ueh

¹⁷ Nau gáp mớh i jât nấp dja, gáp mâu geh ôh rnê khân ay may, yorlah nau rỗn khân ay may mâu ôh tâm kớ rdỏk njêng, yớn ma geh nau n'groh chrao. ¹⁸ Yorlah gáp lẽ tăng nõk khân ay may gũ rỗn ta nấp Kờanh Brah, khân ay may tâm pả phung, jêh ri nau i này gáp iắt để để đống.* ¹⁹ Iắt ma geh nau tâm pả phung ta khân ay may, ri mớ say n'hêl bu moh Kờanh Brah de rnê ta khân ay may. ²⁰ Nỏk khân ay may gũ rỗn, khân ay may mâu ôh di nhêt sa nkaah kloh ueh, ²¹ yorlah du huê du huê nhêt sa ndr i pãng nờm ndjôt bớh nhiih bớh jay khân pãng nờm, mâu ôh tâm kỏp bảl, jêh ri bunuyh abả hỏm ji ngot, bunuyh abả lẽ hỏm ndấp ma nhũl.* ²² Nhiih jay khân ay may nờm ỏm mâu geh lah ma gũ nhêt gũ sỏng sa? Mâu lah khân ay may ỷch mựch phung i nsing Kờanh Brah, ndrel ma ỷch ỏn phung i mâu geh ndr sỏng sa ma đit prêng? Lah ndr i mớn nau gáp ỷch ngới ma khân ay may? Ỗch rnê khân ay may, mâu lah mâu? Nau i này gáp mâu ôh rnê khân ay may!*

²³ Gáp lẽ sỏ đờn jêh nau nti tả bớh Kờanh Yêsu mớh đờn ma khân ay may, nõk mắng bu nhủp njũn Pãng nkhắt ta si tâm rkắng, Pãng sỏ nũmpắng,* ²⁴ lah ueh ma Kờanh Brah, jêh ri

* **11:18** 11:18-19: 1Kỏ 1:10-12; 1Yỏ 2:19 * **11:21** 11:21: Yủđ

1:12 * **11:22** 11:22: Yak 2:5-6 * **11:23** 11:23-25: 1Kỏ 10:16-17; Mat 26:26-28; Mar 14:22-24; Luk 22:19-20

gĩch nũmpǎng i nây n'ho ma lah: “†Dja jêng sǎk jǎn Gáp i Gáp ǎn ma khân ay may, ǎn khân ay may jan kot nđã let jât nǎp tay, gay ma kah gĩt ma Gáp.” ²⁵ Kot ndri đống, lě jêh sông sa nây, Pǎng sỏ đống kchok geh ndrǎnh play yũng yar ðon lah: “Ndrǎnh play yũng yar ðon ta kchok dja jêng nau tâm rnglǎp mhe, Kôranh Brah ndrel khân may. Nau tâm rnglǎp mhe i nây, gáp jan ma khân may ma mham gáp. Ấp tở khân may nhêt, ǎn jan kot nđã, gay ma khân may hôm kah gĩt ma Gáp.”* ²⁶ Ấp tở khân ay may sa nũmpǎng kot nây, ndrel ma nhêt ndrǎnh play yũng yar ðon ta kchok kot nây, jêng nau khân ay may mboh nkoeh nau Kôranh Yêsu khât n'ho ma tát nar Pǎng vách tay.*

²⁷ Lah ndri bu moh i sa nũmpǎng Kôranh Yêsu i nây, ndrel ma nhêt ndrǎnh play yũng yar ðon i nây mâu tâm di ma nau yỏk ma Brah Krist, pǎng i nây jan tih, yorlah mâu yỏk ôh ma sǎk Kôranh Yêsu, nđáp ma mham Pǎng nờm. ²⁸ Iắt ma dǎng lě bunuyh mêt uǎnh êng nuih n'hâm pǎng nờm lor ðốt, jêh ri dǎng sa nũmpǎng, ndrel ma nhêt ndrǎnh play yũng yar ðon ta kchok i nây, ²⁹ yorlah bu moh i sa nũmpǎng, ndrel ma nhêt ndrǎnh play yũng yar ðon ta kchok i nây mâu tâm di, pǎng mâu tâm di ma nau yỏk sǎk jǎn Kôranh Yêsu. Bunuyh i nây tâm ban ma sỏ dôihtẻ ta sǎk pǎng nờm ta nau nhêt sa i nây.*

† **11:24** 11:24: Sambút ơm i nchih ma ti abǎ geh ntop: ‘Khân ay may sỏ sa dỏ’. * **11:25** 11:25: NNg 24:8; Yêr 31:31-34; 2Kô 3:6; Hêb 8:6-13 * **11:26** 11:26: Mat 26:29 * **11:29** 11:29: 1Kô 10:16

³⁰ Kot ndri dâng ta phung khân ay may geh ôk bunuyh mâu hôm geh suan, ndrel ma geh nau ji, jêh ri abă nkre ma khât đống.

³¹ Yơn ma lah bân mêt uănh êng nuhi n'hâm bân nơm lor bốt, Kôranh Brah mâu ôh tể dôih bân abơ dja kot này. ³² Yơn ma lah Kôranh Brah tể dôih bân kot này, Păng ếch jan ăn bân nhăl, gay ma mâu ôh ăn bân geh dôih ndrel dâng lể bunuyh i mâu nsing ma Kôranh Yêsu ta nar n'glẽ dũt.

³³ Ở oh nô ta nau nsing, nôk khân ay may rỗn nhêt sa nkah kloh ueh i này, ăn khân ay may tâm kỗp ndrăng nơm bốt. ³⁴ Lah bu moh i ji ngot ăn păng sông sa lơi bớh jay păng nơm lor dô, gay ma lơi ăn nau gũ rỗn khân ay may i này geh dôih. Nau i hôm abă êng jăt, kỗp tăt gáp bốt dâng nkra ăn lể.

12

Nau Brah Huêng Ueh de ăn đơm dam

¹ Ở oh nô ta nau nsing, gáp ếch khân ay may gĩt n'hêl ma nau i Brah Huêng Ueh de ăn đơm dam. ² Khân ay may nơm lể gĩt jêh, nôk khân ay may ê hỏ nsing ma Brah Yêsu, geh ndr êng êng ăn khân ay may ếch yớk mbah rup brah i mlo.*

³ Kot ndri dâng gáp ếch mớh ăn khân ay may gĩt n'hêl, lah du huê bunuyh geh Brah Huêng Ueh i kloh ueh gũ ta păng, bunuyh i này mâu ôh ngơi lah: “Ăn Brah Yêsu geh nau rtăp” jêh ri lah bu

* 12:2 12:2: Gal 4:8; 1Tê 1:9

moh mâu geh Brah Huêng Ueh gũ, kô mâu geh đổng bunuyh dơi lah: “Brah Yêsu jêng Kôranh.”*

⁴ Nau ăn đơm đơm i này geh ntil êng êng, yơn ma du huê Brah Huêng Ueh đơm i năk ăn.* ⁵ Nau kôl bu geh nau jan êng êng, yơn ma kôl jan ăn ma du huê Kôranh Brah đơm. ⁶ Nau jan kar geh nau jan êng êng, yơn ma geh du huê Kôranh Brah đơm i ăn nau dơi ma jan kar êng êng i này ta dăng lể bunuyh.

⁷ Brah Huêng Ueh ăn nau blao êng êng ma du huê du huê bunuyh i nsing ma Brah Krist, gay ma tâm kôl ndrăng bunuyh i nsing ma nau blao i này.* ⁸ Du huê bunuyh Păng ăn mboh ngời ma nau mân gĩt blao ngãn, jêh ri du huê bunuyh êng jât blao mboh ngời ma nau gĩt vât tã bôh Brah Huêng Ueh, geh du huê Brah Huêng Ueh đơm i năk ăn dăng lể nau i này. ⁹ Ma du huê bunuyh geh nau nsing dũt nập i bu êng mâu ôh geh, geh du huê Brah Huêng Ueh i này đổng ăn, jêh ri ma du huê bunuyh êng jât Păng ăn nau dơi ma jan bah bunuyh geh nau ji êng êng, du huê Brah Huêng Ueh i này đổng ăn. ¹⁰ Păng ăn du huê bunuyh jât ăn nau dơi ma jan ndr lể nau ngãn, ăn du huê bunuyh jât blao ntôyh nau ngời Kôranh Brah, ăn du huê bunuyh jât blao gĩt năl moh nau tã bôh Kôranh Brah mâu lah mâu, ăn du huê bunuyh jât blao ngời nau ngời êng êng i păng mâu geh nti, jêh ri ăn du huê jât ma blao rblang dăng lể nau ngời i này. ¹¹ Dăng lể ndr i

* **12:3** 12:3; Rôm 10:9; 1Yô 4:2-3 * **12:4** 12:4-6; Rôm 12:4-6

* **12:7** 12:7-11; 1Kô 12:28; 14:26; Rôm 12:7-8; Êph 4:7

nây jêng tă bôh du huê Brah Huêng Ueh đơm ăn, Păng pã ăn ma du huê du huê nđơ êng êng tâng Păng nơm ứch.

Săk jăn nguai đơm

¹² Brah Krist ntât tâm ban ma du săk jăn đơm, bân i nsing ma Păng jêng nđơ êng êng ta săk jăn i nây. Bol lah geh ôk nđơ êng êng ta săk jăn bunuyh, yơn ma dăng lể nđơ i nây tâm rnglăp jêng du săk jăn đơm.* ¹³ Dăng lể bân bol lah phung Israel, bol lah phung i mâu di phung Israel* kađôi, bol lah bunuyh dâk bu, bol lah bunuyh kon me kađôi, dăng lể bân lể jan bắptem yũk ma dak ma du huê Brah Huêng Ueh đơm, jêng tâm rnglăp bắl ăn jêng tâm ban ma du săk jăn hỏ, jêh ri dăng lể bân lể sỏ đơn du huê Brah Huêng Ueh i nây gũ ndrel đống.

¹⁴ Ta săk jăn mâu ôh geh du ntil nđơ đơm, geh ôk ntil nđơ. ¹⁵ Lah jống lah: “Yorlah gáp dja mâu ôh jêng ti, dăng gáp mâu ôh jêng nđơ ta săk jăn dja” yơn ma jống i nây hôm e nđơ ta săk jăn nanao đống. ¹⁶ Lah tôl lah: “Yorlah gáp dja mâu ôh jêng trôm mắt, dăng gáp mâu ôh jêng nđơ ta săk jăn dja” yơn ma tôl i nây hôm e nđơ ta săk jăn nanao đống. ¹⁷ Lah dăng lể ntil nđơ ta săk jăn jêng trôm mắt dadê, mã nđơ ma iăt tẳng? Jêh ri lah dăng lể ntil nđơ ta săk jăn jêng tôl dadê, mã nđơ ma gĩt năl bô? ¹⁸ Yơn ma Kôranh Brah lể ăn jêh nđơ êng êng gũ ta ntũk êng êng ta săk jăn tâng Păng nơm ứch. ¹⁹ Lah dăng lể rngôch jêng

* **12:12** 12:12-13: Gal 3:26-28 * **12:13** 12:13: ‘Phung i mâu di phung Israel’, mâu lah ‘Phung Grek’.

du ntil ndơ dơm, lah ndri mơm dăng hôm jêng sắk jăn? ²⁰ Nđơ ta sắk jăn geh ỏk, yơn ma dăng lể ndơ i nây jêng du sắk jăn dơm. ²¹ Trôm mắt mâu dơi lah ti: “Khân may i nây gáp mâu khắch ôh” jêh ri bôk mâu đống dơi lah jông: “Khân may i nây gáp mâu khắch ôh.” ²² Yơn ma moh ndơ i bu mân mâu ôh kọp khlay, ndơ i nây plắch ma geh nau khlay rlau bu chrao. ²³ Jêh ri moh ndơ i bán mân mâu lắng ueh ma uắnh, ndơ i nây plắch ma bán nkrỏ ma bok ao rlau bu chrao. Nđri bán njrắng ndơ i mâu lắng ueh ma uắnh nây ắn ỏk rlau. ²⁴ Lắng ndơ i bán uắnh lể ueh jêh, ndơ i nây bán mâu hôm khắch mân jắt ôh. Kôranh Brah lể ndrắp jêh sắk jăn bán, ndrel ma kọp khlay moh ndơ i bu mâu kọp khlay, ²⁵ gay ma lơi ôh ắn geh nau tâm rlắch ta sắk jăn, jêh ri gay ma dăng lể ndơ i nây ắn blao tâm kớ ndrắng nơm.* ²⁶ Lah geh du ntil ndơ geh nau ji, dăng lể ndơ ắbắ êng geh nau ji dadê đống, lah geh du ntil ndơ i bu kọp khlay, dăng lể ndơ ắbắ êng jêng ueh maak dadê đống.

²⁷ Khân ay may jêng sắk jăn Brah Krist nơm, jêh ri du huê du huê jêng ndơ êng êng ta sắk jăn i nây.* ²⁸ Ta phung nsing ma Brah Krist, lor bu Kôranh Brah kớih ắn geh mpôl kôranh oh mon, jêh ri Pắng kớih ắn geh bunuyh ntỏyh nau ngới Pắng nơm, jêh ri jắt Pắng kớih ắn geh bunuyh nắk ntủm nti. Jêh bớh nây jắt Pắng kớih ắn geh bunuyh nắk jan ndơ nau khlay lể nau ngắn, ắn bunuyh nắk jan bah bunuyh geh nau ji êng êng,

* **12:25** 12:25-26: Rôm 12:13-16; 2Kô 11:29 * **12:27** 12:27: 1Kô 10:16-17; Eph 2:16

ăn bunuyh năk blaol bu, ăn bunuyh năk blaol
mât uănh, ăn bunuyh năk blaol mboh ngoi nau
ngoi êng êng i mâu ôh geh nti.* ²⁹ Mâu di ôh lă
rngôch bân jêng kôranh oh mon dadê, mâu di ôh
lă rngôch bân jêng bunuyh năk ntoyh nau ngoi
Kôranh Brah dadê, mâu di ôh lă rngôch bân jêng
bunuyh năk ntum nti dadê, mâu di ôh lă rngôch
bân jan ndr lă nau ngănh dadê, ³⁰ mâu di ôh lă
rngôch bân geh ăn ndr đom dam dơi jan bah
bunuyh geh nau ji êng êng, mâu di ôh lă rngôch
bân blaol mboh ngoi nau ngoi êng êng dadê, mâu
di ôh lă rngôch bân blaol rblang dăng lă nau ngoi
i nây dadê. ³¹ Lah ndr dăng lă ndr Brah Huêng
Ueh ăn đom dam i nây, ăn khân ay may ndr
ũch tâng joi ndr i ueh rlau dô. Abo đja gáp ũch
mboh nkoeh ăn ma khân ay may nau i ueh rlau
bu.

13

Nau rông ma bu

¹ Lah gáp blaol nau ngoi dăng lă bunuyh ta neh
ntu đja, ndrêl ma blaol nau ngoi tông pãr đong,
tih ma gáp mâu geh ôh nau rông ma bu, gáp jêng
tâm ban ma nteh ngrông bu tử châng, mâu lah
nteh gong bu goh đom.* ² Lah gáp blaol ntoyh
nau ngoi Kôranh Brah, ndrêl ma gít vật dăng lă
ndr i ndr mpôn ta Kôranh Brah, ndrêl ma geh
nau gít vật ăp ntil ngănh, jêh ri lah gáp geh nau
nsing đit kuông dơi đă yôk du boh ntuk đja gú

* **12:28** 12:28-31: 1Kô 12:7-10; Rôm 12:3; Eph 4:11-12; 1Pê 4:10-11

* **13:1** 13:1-13: Yôh 13:34-35; Rôm 13:8-10; 1Ti 1:5

ntũk êng, tih ma gâp mâu geh ôh nau rông ma bu, gâp jêng bunuyh mâu ôh geh nau khlay du ntil.* ³ Lah gâp sô dâng lě đrăp ndr gâp nôm pã ăn bu, jêh ri lah gâp jao săk gâp nôm ăn bu gũch n'grêh* yor ma gâp tâng Brah Krist, tih ma mâu geh ôh nau rông ma bu, nau i nây mâu geh nau khlay ma gâp du ntil đong.*

⁴ Bunuyh i geh nuih n'hâm rông ma bu, păng blao ăt nuih, geh nuih n'hâm ueh, jêh ri mâu ôh tâm mâu nach. Bunuyh i geh nuih n'hâm rông ma bu, mâu n'hi êng săk, mâu ôh kộp êng săk păng nôm dũt ta păng đơ. ⁵ Bunuyh i geh nuih n'hâm rông, mâu ôh jan ndr mâu tâm di tâng ma nau vay, mâu ôh joi ndr ueh ma săk păng nôm đơ, mâu ôh gơnh nuih, mâu ôh hôm mprây nau tih bu,* ⁶ mâu ôh ueh maak ma nau kue nau đơh, yơn ma ueh maak ma nau i ngăn. ⁷ Bunuyh i geh nuih n'hâm rông ma bu, ăt nuih ma nau tih bu nâng, geh nuih n'hâm nsing nâng ma ndr ueh ta bu, rơm nâng ma ndr ueh ta bu, jêh ri nsrôyh nâng dơi ăt nau jêh jôt.*

⁸ Nau rông mâu ôh blao dũt, yơn ma nau ntôyh nau ngơi Kôranh Brah mra lóch, nau blao nau ngơi êng êng mra lě, jêh ri nau gĩt vât mra mâu hôm geh khlay đong. ⁹ Moh nau i bân gĩt vât abao dja ê hữ gĩt lě ôh, jêh ri moh nau i bu ntôyh nau ngơi Kôranh Brah mâu hữ gĩt lě đong. ¹⁰ Yơn ma tất nar Kôranh Brah ăn dâng lě nau lě jêng

* **13:2** 13:2: Mat 7:22 * **13:3** 13:3: Sambũt ơm i nchih ma ti abă ntop lah: 'Gay ma n'hi êng săk'. * **13:3** 13:3: Mar 10:21

* **13:5** 13:5: 1Kô 10:24; Phi 2:4 * **13:7** 13:7: Mat 18:21-22

dứt ueh lể phiao, nau i mâu hỏ dứt ueh abaō dja, nau i nây mâu hỏm geh ôh. ¹¹ Nỏk gáp hỏm kon se, gáp mbōh ngoi tẳm ban ma kon se, gáp geh nau mẳn tẳm ban ma kon se, jêh ri nau gáp mẳn nklỏn tẳm ban ma kon se đống. Tẳt ma gáp lể kuỏng jêh, dẳng lể nau i hỏm bōh kon se nỏh gáp mbẳr lōi. ¹² Abaō dja bẳn nẳl Kỏranh Brah ê hỏ n'hêl ôh, hỏm e thủl, tẳm ban ma uẳnh sẳk nỏm ta ndỏ uẳnh muh mẳt i mâu lẳng say n'hêl, ta jẳt nẳp tay ri mỏ bẳn say n'hêl Pẳng bōh nây bōh dja. Abaō dja bẳn nẳl Pẳng ê hỏ n'hêl ôh, let jẳt nẳp tay ri mỏ bẳn nẳl Pẳng n'hêl nanẻ, tẳm ban ma Pẳng lể nẳl bẳn n'hêl nanẻ đống.*

¹³ Geh pe ntil nau i hỏm nẳng: Nau nsing, nau rnỏm, nau rỏng, yỏn ma i khlay rlau bu jêng nau rỏng.*

14

Nau đống nau i Brah Huêng Ueh ỏn đờm đẳm

¹ Nsrỏy h joi ỏn geh nuinh n'hẳm rỏng ma bu, jêh ri ủch ndỏr kỏnh geh ndỏ êng êng i Brah Huêng Ueh ỏn đờm đẳm, rlau bōh nây jẳt ỏn ndỏr kỏnh blao ntỏyh nau ngoi Kỏranh Brah.* ² Bu moh i ngoi nau ngoi êng êng i tẳ bōh Brah Huêng Ueh, pẳng i nây ngoi ma Kỏranh Brah đờm, mâu ôh ngoi ma bunuyh, yorlah mâu geh ôh bunuyh gẳt vạt nau pẳng ngoi nây, Brah Huêng Ueh sỏm ỏn pẳng ngoi nau i bunuyh mâu gẳt. ³ Yỏn ma bu moh i blao ntỏyh nau ngoi Kỏranh Brah, pẳng i

* **13:12** 13:12: NNg 33:20-23; 2Kỏ 5:7-8 * **13:13** 13:13: 1Tê 5:8; 1Yỏ 4:16 * **14:1** 14:1: 1Kỏ 12:4-11; 2Yỏ 1:5-6

nây ngời ma bunuyh, gay ma tâm kơl rdők njêng, gay ma nsũk nsôr, gay ma bonh leng bu. ⁴ Bu moh i ngời nau ngời êng êng i nây, pãng i nây rdők njêng êng pãng nơm dơm, yơn ma bu moh i ntøyh nau ngời Kôranh Brah, pãng i nây rdők njêng dăng lẽ phung i nsing ma Brah Krist. ⁵ Gáp ũch dăng lẽ khân ay may blao ngời nau ngời êng êng i nây, yơn ma i rlau bớh nây jât gáp ũch khân ay may blao ntøyh nau ngời Kôranh Brah. Bu moh i ntøyh nau ngời Kôranh Brah kuống rlau ma bunuyh i ngời nau ngời êng êng i nây jât, yơn ma lah geh du huê bunuyh i blao rblang nau ngời êng êng i nây, lah ndri pãng i ngời nau ngời êng êng i nây kuống tâm ban, yor ma kơl rdők njêng ma dăng lẽ phung nsing đống.*

⁶ Ở oh nô ta nau nsing, lah gáp hăn a khân ay may, jêh ri gáp ngời nau ngời êng êng i nây, ơm geh nau khlay ma khân ay may ãah? Yơn ma lah gáp mớh nkoch ma nau tâm mpoỉ i Kôranh Brah lẽ ăn ma gáp, mâu lah mớh nkoch nớ i gít vât, mâu lah ntøyh nau ngời Kôranh Brah, mâu lah ntũm nti khân ay may, i nây i geh nau khlay ma khân ay may. ⁷ Dăng lẽ nớ bu nkrêh nớ bu ôh i mâu ôh geh nau rêh hôm geh nteh dadê, yơn ma lah nớ i nây mâu ôh nteh n'hêl, mớh dăng bu dơi gít năl lah dja moh ntil nau nteh. ⁸ Tâm ban nôk bu tâm lơh, nũng i nteh bu ôh gay ma đã nau ma phung taken, yơn ma lah nũng i nây nteh mâu n'hêl, mớh dăng bu gít ma đã ndrăp tâm lơh? ⁹ Nau khân ay may ngời tâm

* 14:5 14:5: 1Kô 14:27-28

ban kot này đống. Lah khân ay may ngời nau ngời êng êng i này, yơn ma lah mâu rblang ăn bu vât nau khlay, mớ m dâng bu gít vât nau khân ay may ngời i này? Lah ndri nau i khân ay may ngời i này jêng mâu geh nau khlay. ¹⁰ Ta neh ntu dja geh ők ntil nau ngời, jêh ri dâng lể nau ngời i này geh nau khlay dadê ma bunuyh i gít vât. ¹¹ Lah gáp mâu gít vât du nau ngời, gáp jêng bu năch bri êng ma bunuyh i này, jêh ri păng i ngời đah gáp này jêng bu năch bri êng đah gáp đống. ¹² Khân ay may kot này đống. Khân ay may lể nđơ kơnh geh nau êng êng i Brah Huêng Ueh ăn đơ m dam i này, lah ndri ăn khân ay may nsrôyh joi dô, gay ma rdők njêng phung nsing.*

¹³ Kot ndri dâng bu moh i ngời nau ngời êng êng i này, ăn păng i này mboh sơm dẫn ăn blao rblang nau i này đống. ¹⁴ Lah gáp mboh sơm ngời ma nau ngời êng êng i này, nau i này nuih n'hâm gáp đơ m mboh sơm, yơn ma nau mân gáp gũ đơ m mâu ôh geh nklôn. ¹⁵ Lah ndri mớ m gáp jan? Gáp mboh sơm ta nau ngời êng êng i này tă bơh nuih n'hâm gáp nơm, jêh ri gáp kô mboh sơm đống nau mân gáp nơm đống. Gáp mpro ta nau ngời êng êng i này tă bơh nuih n'hâm gáp nơm, jêh ri gáp kô mpro tă bơh nau mân gáp nơm đống. ¹⁶ Lah khân ay may rnê Kôranh Brah ta nau ngời êng êng i này tă bơh nuih n'hâm khân ay may nơm đơ m, lah ndri bunuyh i gũ iătt ta này mâu ôh gít vât nau i này mớ m blao lah: “Nau

* **14:12** 14:12; 1Kô 10:23-24; 14:26

i này di ngăñ*” ma nau khân ay may ngời lah ueh Kôranh Brah, ôbăl mâu vât ôh nau i khân ay may lah này! ¹⁷ Klăp lah khân ay may lah ueh ma Kôranh Brah kơt này lể dũt ueh ngăñ, tih ma khân ay may mâu geh ôh rdők njêng bunuyh i gũ iăt ta này. ¹⁸ Găp lah ueh Kôranh Brah, yorlah găp ngời nau ngời êng êng i này jở rlau ma dăng lể khân ay may jăt. ¹⁹ Yơn ma ta nôk rbum găp ũch rlau ngời ta prăm tong đơm i nau ngời bu lể gĩt vât, gay ma ntũm nti bunuyh i gũ rbum ta này, đah ma ngời nau ngời êng êng i này 10000 tong i mâu geh ôh du huê bunuyh gĩt vât.

²⁰ O oh nô ta nau nsing, khân ay may loi ôh jêng tâm ban ma kon se ta nau mân. Tih ma ta nau jan djơh hỏ ăn khân ay may jêng tâm ban ma oh bê i mâu hỏ blao jan djơh, yơn ma ta nau mân ăn khân ay may jêng tâm ban ma bunuyh lể kuống.* ²¹ Ta Nau Kôranh Brah Ngời lể geh nchih lah: “Kôranh Brah lah:

‘Găp mra njuăl phung i ngời nau ngời êng êng,
Phung bunuyh bri êng, i phung bon lan i dja
mâu gĩt năl,

Gay ma mboh nkoch nau ma khân păng,
Yơn ma bol lah kơt này kađôi, hôm e khân
păng mâu iăt Găp đơng’†.”

²² Ndiri dăng ngời nau ngời êng êng i này i Brah Huêng Ueh ăn, jêng ndrơ mbên ma phung i mâu nsing đơm, gay ma khân păng say Brah Huêng Ueh gũ ta bân, mâu ôh di ndrơ mbên ma phung i

* **14:16** 14:16: ‘Nau i này di ngăñ’, mâu lah ‘Amen’. * **14:20**
14:20: Eph 4:13-14 † **14:21** 14:21: Êsa 28:11-12

lẽ nsing. Jêh ri nau ntoyh nau ngơi Kôranh Brah, jêng ndơ geh nau khlay ma phung i lẽ nsing, mâu ôh di ma phung i mâu nsing. ²³ Nôk khân ay may gũ r̃bũn, lah dâng lẽ bunuyh gũ r̃bũn ta nây mboh ngơi nau ngơi êng êng i nây dadê, jêh ri lah geh bu năch mâu ôh gĩt vât nau i nây man ma hăn lăp r̃bũn, mâu lah geh bunuyh i mâu nsing hăn lăp r̃bũn ta nây đōng, gĩt lah khân păng lah khân ay may bunuyh trơi ro!* ²⁴ Yơn ma lah dâng lẽ khân ay may ntoyh nau ngơi Kôranh Brah dadê, jêh ri geh bunuyh i mâu nsing, mâu lah bu năch i mâu gĩt vât nau i nây hăn ta nây đōng, lah ndri khân păng mra gĩt vât săk khân păng nơm jêng bunuyh tih i Kôranh Brah mra tễ dôiht ta nar jât năp tay. ²⁵ Nôk nây ndơ i pôn ndōp ta nuih n'hâm khân păng nơm ri, mra nhơ ăn bu say ro, jêh ri khân păng mra păn krap a neh, yok mbah Kôranh Brah n'ho ma lah: "Geh Kôranh Brah gũ ndrel khân ay may ngăn!"

Nau vay ta nôk gũ r̃bũn

²⁶ Ơ oh nô ta nau nsing, nôk khân ay may gũ r̃bũn, bunuyh ăbă ma mpro r̃nê, bunuyh ăbă ma ntũm nti, bunuyh ăbă ma mboh nkoch ma nau tâm mpoĩ tă boh Kôranh Brah, bunuyh ăbă ma ngơi nau ngơi êng êng i nây, bunuyh ăbă jât ma rblang nau ngơi i nây. Iăt ma dâng lẽ ndơ jan i nây jan gay ma rdōk njêng phung i nsing.* ²⁷ Lah geh bunuyh ngơi nau ngơi êng êng i nây, dũt ôk ăn geh bar pe nuyh hō ngơi, du huê du tở du

* **14:23** 14:23: Kar 2:13 * **14:26** 14:26: 1Kô 10:23-24; 14:12

huê du tở, jêh ri ăn geh bunuyh ma năk rblang nau ngơi i nây đống. ²⁸ Ta nôk r̄bũn, lah mầu geh ôh bunuyh ma năk rblang nau ngơi i nây, bunuyh i blao nau ngơi êng êng i nây ăn gũ răk klăk hỏ, ăn khân păng ngơi kọt nây ngơi êng ta nuieh n'hâm khân păng nơm, ndrel ma ngơi đah Kôranh Brah hỏ. ²⁹ Mpôl bunuyh ntôyh nau ngơi Kôranh Brah, ăn bar pe nuyh hỏ mboh nkoch, jêh ri phung nsing ma gũ mêt uảnh hỏ.* ³⁰ Lah geh du huê bunuyh jât i gũ rợp ta nây, geh nau tâm mpôl tă boh Kôranh Brah, lah ndri ăn bunuyh i dôi ngơi nây rlu bốt, ³¹ yorlah dăng lể khân ay may i blao ntôyh nau ngơi Kôranh Brah dơi ngơi dadê, yơn ma ăn ngơi du huê du tở du huê du tở, gay ma dăng lể bảl geh nau ntũm nti, ndrel ma geh rdők njêng dadê. ³² Bunuyh ntôyh nau ngơi Kôranh Brah, lah geh nau ma ngơi, păng hồm blao ma ngơi, mầu lah mầu ngơi, dút ta păng nơm dơm, ³³ yorlah Kôranh Brah mầu ứch ôh nau uh ah, Păng ứch ma nau đăp mpăn.

Dăng lể phung bon lan Kôranh Brah ta ăp ntũk, ta nôk gũ r̄bũn, ³⁴ ăn bu ur gũ iăt săk răk klăk. Ăn khân ay may jan kọt nây đống, mầu di ôh ăn bu ur ngơi ta nôk r̄bũn nây, ăn khân păng gũ iăt bu hỏ, kọt ma lể geh nchih jêh ta nau vay Môsê.* ³⁵ Lah khân păng ứch gít du ntil nau, ăn ôp êng i sai khân păng nơm a jay, yorlah mầu ôh di ma bu ur ngơi ta nôk r̄bũn.

³⁶ Ôm nau Kôranh Brah ntôm du lôh boh khân ay may lah? Ôm nau Păng tát ta khân ay may

* **14:29** 14:29: 1Tê 5:19-21 * **14:34** 14:34-35: 1Kô 11:5, 13; 1Ti 2:11-12

dơn lah? ³⁷ Lah geh du huê bunuyh lah êng săk păng nơm i bunuyh ntoyh nau ngoi Kôranh Brah, mâu lah bunuyh i lể gít vát ndơ i geh khlay ta Kôranh Brah, ăn păng i nây sô dơn nau i gáp nchih nây, nau i nây jêng nau đă tã bơh Kôranh Brah ngăn.* ³⁸ Lah bu moh i mâu sô dơn nau i gáp nchih dja, Kôranh Brah† kô mâu rom păng i nây đổng. ³⁹ Ở oh nô ta nau nsing, nđơ kơnh hỏm ntoyh nau ngoi Kôranh Brah, jêh ri lơi ôh buay mâu ăn bu ngoi nau ngoi êng êng i nây. ⁴⁰ Yơn ma dăng lể ndơ jan, iătt ma jan ăn tâm di, ndrel ma mâu ôh geh nau uh ah.

15

Nau dâk rêh Brah Yêsu

¹ Ở oh nô ta nau nsing, gáp ứch nkah tôr khân ay may ma nau mhe mhan ueh i gáp mboh nkoch ăn ma khân ay may nơh, jêng nau mhe mhan ueh i khân ay may lể sô dơn nơh, n'ho ma i hỏm ndjôt nập đổng.* ² Lah khân ay may ndjôt nập nau mhe mhan ueh i gáp lể mboh nkoch ma khân ay may nây nơh, khân ay may geh nau rkлай yor ma nau mhe mhan ueh i nây đổng. Yơn ma lah khân ay may ntloại lơi, nau nsing khân ay may jêng dơn dam.*

³ Gáp lể jêh mboh nkoch ma khân ay may nau i dứt khlay, jêng nau i bu* dơn mboh nkoch ăn ma gáp, nau i nây jêng Brah Krist lể khât jêh gay

* **14:37** 14:37: 1Yô 4:6 † **14:38** 14:38: 'Kôranh Brah', mâu lah 'Bu'. * **15:1** 15:1: 1Kô 4:15 * **15:2** 15:2: 2Kô 11:4 * **15:3** 15:3: 'Bu', mâu lah 'Kôranh Yêsu'.

ma rklaih bân bôh Kôranh Brah tễ dôih yor ma nau tih, di kôt Nau Kôranh Brah Ngơi.* ⁴ Bu tốp Păng ta môch, jêh ri tât pe nar Păng dâk rêh, jêng di kôt Nau Kôranh Brah Ngơi đổng. ⁵ Păng nhhơ sắk ăn Pêtrôst say, jêh ri ăn dâng lế 12 nuyh mpôl kôranh oh mon say đổng.* ⁶ Bôh kơi này Păng nhhơ đổng ăn oh nô ta nau nsing say, ốk bunuyh rlau 500 nuyh, say dâng lế ma bắ du tở đơm. Phung i say này abao dja ốk hóm rêh, đễ đơm i lế khắ. ⁷ Bôh kơi này jắt, Păng nhhơ đổng sắk ăn Yako say, jêh ri ăn dâng lế mpôl kôranh oh mon say du tở jắt.* ⁸ N'glế dứt n'glế dềl gáp i bunuyh tâm ban ma kon deh mâu tâm di khay dja, hóm Păng nhhơ sắk ăn gáp say đổng.*

⁹ Ta mpôl kôranh oh mon, gáp dja i kôranh oh mon jế ta nâm bu, di lah mâu ôh di bu kuắl gáp dja kôranh oh mon, yorlah gáp a lor nớh lế jan jêr ma phung nsing ma Kôranh Brah nờm.* ¹⁰ Yor ma tắ bôh nau ueh Kôranh Brah nờm, dâng gáp geh kôt nđa. Nau ueh Kôranh Brah ăn ma gáp mâu ôh jêng đơm dam, yorlah gáp lế jan kar ốk rlau ma mpôl kôranh oh mon abắ êng jắt, yờn ma mâu geh gáp ôh jan kar i này, nau ueh Kôranh Brah i gủ ta gáp ăn geh nđơ jan i này. ¹¹ Lah ndri bol lah gáp kađôi, bol lah mpôl kôranh oh mon i này kađôi, hên mbôh nkoch nau mhe mhan ueh

* **15:3** 15:3-4: Êsa 53:4-12; Hôis 6:2; Luk 24:44-46; Kar 13:28-31; Rôm 4:25; 8:34; 2Kô 5:18-21 † **15:5** 15:5: Ta nau ngơi Grek nchih: 'Kêphas'. * **15:5** 15:5: Luk 24:34-36; Mat 28:16-17; Kar 1:21-22; 10:40-41 * **15:7** 15:7: Kar 15:13 * **15:8** 15:8: 1Kô 9:1; Kar 9:3-6 * **15:9** 15:9-10: Eph 3:8; Kar 8:3

dja, jêng nau mhe mhan ueh i khân ay may lě nsing này.*

Nau dâk rêh tay phung nsing ma Brah Yêsu

¹² Lah hên lě mboh nkoch jêh Kôranh Brah lě jan ăn Brah Krist dâk rêh bôh dâng lě phung bunuyh khât, lah ndri môm dâng ta phung khân ay may abă lah bunuyh khât mâu ôh dâk rêh?

¹³ Lah bunuyh khât mâu ôh dâk rêh, Kôranh Brah kô mâu jan ăn Brah Krist dâk rêh đống.

¹⁴ Jêh ri lah Kôranh Brah mâu ôh jan ăn Brah Krist dâk rêh, nau i hên mboh nkoch dja jêng đơm dam mâu geh nau khlay, jêh ri nau nsing khân ay may này jêng đơm dam mâu geh nau khlay đống.

¹⁵ Lah ndri hên jêng ngơi nchot ma Kôranh Brah, yorlah hên nkoch lah Kôranh Brah lě jan ăn Brah Krist dâk rêh. Yon ma lah Kôranh Brah mâu ôh jan ăn bunuyh khât dâk rêh, Kôranh Brah kô mâu đống jan ăn Brah Krist dâk rêh,

¹⁶ yorlah, lah Kôranh Brah mâu ôh jan ăn bunuyh khât dâk rêh, Kôranh Brah kô mâu đống jan ăn Brah Krist dâk rêh. ¹⁷ Jêh ri lah Kôranh Brah mâu ôh jan ăn Brah Krist dâk rêh ngăn, nau nsing khân ay may jêng đơm dam mâu geh nau khlay, khân ay may hôm gũ ta nau tih nanao.

¹⁸ Jêh ri dâng lě bunuyh i lě khât ndâp ma nsing ma Brah Krist, khân păng nkre ma roh hêng dâng lě đống.*

¹⁹ Lah nau rơm bản ma Brah Krist geh nau khlay ta nau gũ rêh ta neh

* **15:11** 15:11: Gal 2:6-9 * **15:18** 15:18-20: Kôl 1:18; 1Tê 4:14

ntu dja dơm, bân jêng bunuyh i di ma bu yố rlau ma dăng lể bunuyh êng.

²⁰ Yơn ma di ngăn Brah Krist lể dâk rêh ngăn bơh phung bunuyh khât, Păng i dâk rêh lor bu ta dăng lể phung bunuyh khât, ndri bân gĩt bân mra dâk rêh đơng. ²¹ Nau khât bunuyh nơh yor ma du huê bunuyh rnha Ađăm, kơt ndri bunuyh dâk rêh yor ma du huê bunuyh đơng.* ²² Dăng lể bunuyh khât yor ma jêng rnoi deh Ađăm, kơt ndri đơng dăng lể bunuyh i gũ tâm rnglăp ndrel Brah Krist mra dâk rêh, ²³ yơn ma Brah Krist i dâk rêh lor bu, bơh kơi nây dăng lể phung i nsing ma Păng dâk rêh nôk Păng plờ tât ta dja tay.* ²⁴ Jêh ri Păng lơh hêng lơi dăng lể kôranh i geh nau dơi, i geh nau dăng, i geh nau mât uănh ăp ntil. Jêh ri tât n'glể dũt neh ntu dja, jêng nôk Păng njũn nau mât uănh ăn ma Kôranh Brah i Bờ Păng nơm.* ²⁵ Yorlah iăt ma Brah Krist mât uănh, n'ho ma tât Păng nklở dăng lể phung rlăng gũ ta nâm jông Păng nơm. ²⁶ N'glể dũt bơh kơi, Păng mra n'groh lơi nau khât i tâm ban ma nơm rlăng ma bunuyh,* ²⁷ yorlah ta Nau Kôranh Brah Ngơi lể geh nchih lah ma Brah Krist: 'Kôranh Brah lể ăn dăng lể ndr gũ ta nâm jông Păng dadê'†. Yơn ma ta nau Păng lah: 'Dăng lể ndr' kơt nây, mâu ôh di lah ndâp ma Kôranh Brah i nơm ăn dăng lể ndr gũ ta nâm jông Brah Krist. ²⁸ Tât ma dăng lể ndr lể gũ ta nâm Brah Krist dadê, ri mơ Brah Krist

* **15:21** 15:21-22: NNt 3:17-19; 1Kô 15:45-49; Rôm 5:12-19

* **15:23** 15:23: 1Tê 4:15-17 * **15:24** 15:24-25: Mat 22:14-44;

Êph 1:21 * **15:26** 15:26: NTM 20:14; 21:4 † **15:27** 15:27: NMO 8:6

i Kon Kôranh Brah nôm mra gũ ta nâm Kôranh Brah i năk lě nklở dâng lě ndr' ăn gũ ta nâm Păng nây nơh, gay ma Kôranh Brah nôm jêng kôranh dadê ma dâng lě rngôch ndr'.*

²⁹ Lah bunuyh khât mâu ôh dăk rêh, môm dâng ta phung khân ay may geh bunuyh ăbă sôm ntang jan bắptem yũk ma dak ăn ma bunuyh lě khât? Moh geh nau khlay sôm ntang bắptem yũk ma dak lah bunuyh khât mâu ôh dăk rêh?‡

³⁰ Lỗng hên dja, hên nsrôyh jan ndr' i dơi ăn nau jêr jốt tăt khât săk nâng. Lah bunuyh khât mâu dăk rêh, moh geh nau khlay?* ³¹ O' oh nô ta nau nsing, di ngăn ăp nar gập lě bời ma khât ăbăo'. Tâm ban kớt nây đống nau gập n'hi săk ta năp măt Brah Krist Yêsu i Kôranh bân, yor ma nau khân ay may gũ tâm rnglăp ndrel Păng đống. ³² Yor ma gập mâu ôh geh nau nôm ta nau rêh ta neh ntu dja dôm, ndri gập mâu ôh klach tâm lơh đăh mpômpa (siũm) dũt janh§ ta ăon Êphêsô nơh. Lah bunuyh khât mâu ôh dăk rêh, ăn bân jan tâng bu vay lah:

'Ăn bân gũ nhêt sông hỏ,

Yorlah nar ôi tay bân khât ro'†.*

³³ Lơi ôh ăn bu mbrôh khân ay may, yorlah nau bu vay lah dja di ngăn:

* **15:28** 15:28: 1Kô 3:23 ‡ **15:29** 15:29: Bân ăbăo' dja mâu ôh gĩt moh khlay ta nau sôm trở jan bắptem yũk ma dak. * **15:30** 15:30-31: 2Kô 11:23-33 § **15:32** 15:32: 'Mpômpa (siũm) dũt janh', bunuyh ăbă gĩt lah, Pôl mâu ngơi ma mpômpa (siũm) ngăn ôh, yon ma ngơi ma bunuyh janh. † **15:32** 15:32: Esa 22:13

* **15:32** 15:32: 2Kô 1:8-10

‘Gũ ndrel bãl mpôl djơh jan ăn leo nuih n'hâm djơh’.

³⁴ Ăn khân ay may kah gĩt sắk hỏm, lơi ôh hôm jan tih, yorlah geh bunuyh aẫ ta phung khân ay may mâu ôh nắl Kôranh Brah, gập lah kớt nậy jêng ndơ di ma ăn khân ay may geh nau đit prêng.

Sắk jăn bunuyh dắk rêh

³⁵ Kláp lah geh du huê bunuyh ta phung khân ay may ôp: “A mớm gĩt dắk rêh bunuyh? A mớm gĩt sắk jăn bunuyh i dắk rêh nậy?” ³⁶ Ở bunuyh rluk mắl i ôp kớt nậy, gắr ntil i khân ay may tuch ta neh, lah hôm gắr nắng, hon mâu blao đống. ³⁷ Gắr i khân ay may tuch nậy, kớt lah gắr ba, mâu lah gắr a êng êng, tắt ma hon mâu hôm ôh kớt tâm ban ma gắr. ³⁸ Yớn ma Kôranh Brah ăn ntil gắr êng êng hon jêng tom êng êng bãl, tắng Pắng nớm lắ ứch. ³⁹ Dắng lắ ndơ i geh nau rêh mâu geh tâm ban bãl đống, mlay bunuyh êng, mlay mpômpa (siũm) êng, mlay siũm nar êng, mlay ka êng. ⁴⁰ Geh ndơ ang ta kalớ trớk, ndrel ma geh ndơ ta neh ntu, yớn ma nau ueh ndơ ta kalớ trớk đắh ma nau ueh ndơ ta neh ntu êng êng bãl đống. ⁴¹ Nau ueh nar, đắh nau ueh khay ueh êng êng bãl, nau ueh mắnh mbing ueh êng bãl ma nar ma khay, jêh ri nau ueh dắng lắ mắnh mbing ueh êng êng bãl đống. ⁴² Bunuyh khắt dắk rêh tâm ban kớt nậy đống, bu tốp sắk jăn bunuyh blao rhok, yớn ma nôk bunuyh dắk rêh sắk jăn mâu ôh blao rhok. ⁴³ Bu tốp bunuyh ma nau bở bớch, yớn ma bunuyh dắk rêh ma nau

chrêk lơp, bunuyh gũ ta neh ntu dja mâu ôh geh n'hâm suan, yơn ma bunuyh dâk rêh geh n'hâm suan dăng katang.* 44 Bu tốp păng i săk jăn di ma gũ rêh ta neh ntu, yơn ma păng dâk rêh i săk jăn di ma gũ rêh ta ðon ueh. Lah lě geh jêh săk jăn ta neh ntu, mra geh săk jăn ta ðon ueh ðong. 45 Ta Nau Kôranh Brah Ngơi lě geh nchih: 'Jêh ri Adăm i bunuyh lor bu geh n'hâm geh suan jêng rêh ðlư'†, yơn ma Brah Yêsu Krist bân dơi kuăl ðong 'Adăm n'glě dũt' i nơm ăn nau rêh n'ho ro. 46 Mâu ôh di ntil săk jăn i geh lor i di ma gũ ta ðon ueh, ntil săk jăn i geh lor i di ma gũ ta neh ntu, ntil săk jăn i di gũ ta ðon ueh jêng ntil săk jăn i geh bớh kơi jêh dâk rêh. 47 Adăm i bunuyh lor bu, Kôranh Brah mon tă bớh neh môi. Yơn ma Brah Krist jêng Bunuyh i bớh kơi lôh tă bớh kalơ trôk i ntũk Kôranh Brah nơm.* 48 Bunuyh i gũ ta neh ntu dja, geh săk jăn tâm ban ma bunuyh i geh jan tă bớh neh môi này, bunuyh i gũ ta kalơ trôk, geh săk jăn tâm ban ma Bunuyh i lôh tă bớh kalơ trôk này. 49 Abao dja bân jêng kọt ma bunuyh i geh jan tă bớh neh môi này, jât nập tay bân mra geh săk jăn jêng tâm ban ma Bunuyh i lôh tă bớh kalơ trôk này. 50 Ở oh nô ta nau nsing, nau i gáp ngơi này lah săk jăn i geh mlay geh mham n'ho ma blao rhok, mâu ôh dơi lăp gũ ta ðon ueh ntũk Kôranh Brah mra măt uănh tay, săk jăn i blao rhok mâu ôh dơi gũ rêh n'ho ro.*

51 Gáp ũch mớh nkoch nđơ i bớh nơm nờ

* 15:43 15:43-44: Phi 3:21 † 15:45 15:45: NNt 2:7 * 15:47
15:47: NNt 2:7; 3:19; Yôh 1:1-2; 3:12-13 * 15:50 15:50: NTM
21:4

hôm ndöp mpôn: Mâu ôh geh dâng lě bân mra khât, yon ma dâng lě bân mra geh rgâl sǎk jǎn dadê.* ⁵² Bân i hôm gũ rêh ta nôk Brah Krist plồ vǎch geh nteh nũng n'glě dũt, bân mra geh rgâl sǎk jǎn ta du blât, jêng du mrêh mǎt dơm. Yorlah ta nôk nũng i nây nteh, dâng lě bunuyh khât dâk rêh tay geh sǎk jǎn mâu hôm ôh blao rhok, jêh ri Kôranh Brah mra rgâl sǎk jǎn bân i hôm rêh jêng mhe,* ⁵³ yorlah iǎt ma sǎk jǎn i blao rhok dja ma rgâl jêng sǎk jǎn i mâu blao rhok, sǎk jǎn i blao khât dja iǎt ma rgâl jêng sǎk jǎn i mâu ôh blao khât. ⁵⁴ Lah lě tǎt jêh sǎk jǎn i blao rhok dja rgâl jêng sǎk jǎn mâu hôm ôh blao rhok, sǎk jǎn i blao khât dja rgâl jêng sǎk jǎn mâu hôm ôh blao khât. Lah ndri ndơ i lě geh nchih lah:

'Lě geh nau dơi jêh ma nau khât'†

Nau i nây lě lôch jêh.

⁵⁵ 'Bunuyh gĩt ma hôm khât lah?

Bunuyh gĩt ma hôm geh nau rngot rvê yor ma nau khât lah?*'†

⁵⁶ Tǎ bơh nau tih dâng bân khât, tǎ bơh nau vay Môsê dâng bân gĩt lah jan tih đah nau Kôranh Brah đǎ.* ⁵⁷ A bǎo dja ǎn bân lah ueh Kôranh Brah! Pǎng lě ǎn bân geh nau dơi ma nau tih ndâp ma nau khât, nau dơi i nây jêng tǎ bơh ndơ Brah Yêsu Krist i Kôranh bân lě jan nơh. ⁵⁸ O oh nô ta nau nsing i gáp rǒng, lah ndri ǎn khân

* **15:51** 15:51-53: 2Kô 5:4; Phi 3:21; 1Tê 4:15-17; Mar 13:26-27

* **15:52** 15:52: Mat 24:31 † **15:54** 15:54: Êsa 25:8 * **15:55**

15:55: Mâu lah 'O nau khât, ah nau dơi i may nkhât? O nau khât, ah mpôch may?'. † **15:55** 15:55: Hôis 13:14 * **15:56** 15:56:

Rôm 6:23; 7:7-13

ay may geh nuih n'hâm nâp rkâk ngăn ta nau nsing ma Kôranh Yêsu Krist. Ân nsrôyh jan kar ma Kôranh Yêsu Krist ma lě nuih n'hâm, yorlah khân ay may lě gít jêh, ndơ i khân ay may jan kar ma Păng nây mâu ôh jêng đơm dam.*

16

Prăk kol ma phung nsing ta ðon Yêrusalem

¹ Lông nau rgum prăk ma ăn phung ðon lan Kôranh Brah ta ðon Yêrusalem: Ân khân ay may ta ðon Kôrintô jan kot gâp lě n்தinh jêh ma phung i nsing ta bri Galati nơh.* ² Ấp pơh ta nar pơh* ăn khân ay may sỏ prăk abă i khân ay may lě tống bơh ndơ đong, prăp êng lor ta nhih jay khân ay may nơm, gay ma nôk gâp tát tay, mâu hóm ôh khăch nchô ma ntơm rgum. ³ Ân khân ay may kơih bunuyh abă ndjôt prăk i nây ma hăn ta ðon Yêrusalem, tát gâp a khân ay may nây tay, gâp mra nchih sambút ăn ma khân păng i nây ndjôt, gay ma phung nsing ta ðon Yêrusalem rom khân păng. ⁴ Lah di ma gâp hăn đong, hên hăn ndrel bắl.

Nau Pôl n்தinh êng êng

⁵ Gâp urch hăn rỏ bri Masêđôn lor, jêh hăn rỏ bri Masêđôn nây, gâp mra hăn a khân ay may đong.* ⁶ Klăp lah gâp gủ ndrel khân ay may sân, jăt nar, mâu lah lě du khay sial pơh mâu gít, gay

* **15:58** 15:58: 1Kô 3:8; 16:13; Kôl 1:23; 2:7 * **16:1** 16:1-4: Gal 2:10 * **16:2** 16:2: Ta nau ngơi Grek lah: 'Ta nar nguai', yơn ma nar nguai ta rnôk Pôl, bu abơ dja kuắl 'Nar pơh'. * **16:5** 16:5-7: 2Kô 1:15-24

ma ăn khân ay may kơl gáp hăn tay jât năp ntũk i gáp mra hăn jât. ⁷ Gáp mâu ũch ôh veh a khân ay may du blât đơm, yơn ma gáp rơm mra gũ ndrel khân ay may jở oi, lah Kôranh Brah ăn. ⁸ Yơn ma gáp hôm ũch gũ ta bon Êphêsô dja n'ho ma tât jêh nhêt bũn 50 nar phung Israel,* ⁹ yorlah Kôranh Brah lẽ pơk mpông ăn gáp mboh nkoch nau mhe mhan ueh ta bon dja geh ỏk bunuyh iấ, bol lah geh ỏk bunuyh i tâm rdâng đah gáp kađôi đơng.

¹⁰ Lah Timôthê tât a khân ay may, đăn rom păng ăn ueh, lơi ôh ăn păng geh nau klach khân ay may, yorlah păng bunuyh jan kar Kôranh Brah kơt gáp đơng.* ¹¹ Lah ndri lơi ôh ăn du huê bunuyh mưch rmot păng. Ăn kơl păng pở sât a gáp ma nau đấp mpăn. Gáp ndrel ma oh nô ta nau nsing ta dja gũ kỏp păng rỏp hỏp. ¹² Lỡng nô Apôlỗ, gáp lẽ ntrỏl păng hăn a khân ay may, hăn ndrel ma oh nô abả êng, yơn ma păng ê hỏ ũch ôh hăn abơ dja, păng hôm kỏp moh nar ueh ma păng hăn.*

Nau nĩnh n'glẽ đũt

¹³ Ăn khân ay may gũ njrăng ngăn hỏ, ăn gũ nập ta nau nsing, ăn geh nuih n'hâm bảnh, ndrel ma ăn geh n'hâm suan đẩng.* ¹⁴ Dẩng lẽ ndrỏ khân ay may jan, ăn jan ndấp ma nuih n'hâm rỡng.* ¹⁵ Ở oh nô ta nau nsing, khân ay may lẽ

* **16:8** 16:8-9: Kar 2:1; 19:1, 8-10 * **16:10** 16:10-11: Kar 16:1-3

* **16:12** 16:12: Kar 18:24-28 * **16:13** 16:13: 1Kỏ 15:58; Kỏl 1:23; 2:7 * **16:14** 16:14: Rỏm 12:9-16; Phi 2:1-5; Kỏl 3:14

gĩt jêh rnăk vâl nô Satêphanas, khân păng jêng bunuyh nsing lor bu ta bri Akhây khân ay may nây, jêh ri lě jao săk khân păng nôm ma jan kar ăn ma phung bon lan Kôranh Brah. Gáp dẫn khân ay may hô ngăn,* ¹⁶ ăn iăt ma bunuyh i geh nuih n'hâm kot i nây, jêh ri ăn iăt ma dăng lě bunuyh i nsrôyh jan kar ndrel khân păng i nây đống. ¹⁷ Gáp răm maak ngăn geh nô Satêphanas, nô Phortinatuh, ndrel ma nô Akhâykuh, khân păng lě tăt ta dja. Gáp klống khân ay may, yơn ma geh khân păng i pe nuyh dja jan ăn nuih n'hâm gáp răm maak, ¹⁸ khân păng rthi nuih n'hâm gáp, kot khân păng lě rthi nuih n'hâm khân ay may nơh đống. Ăn khân ay may yók ma bunuyh i kot khân păng i nây dô.* ¹⁹ Phung nsing ta bon êng êng ta bri Asi dja dẫn ôp nau ueh lăng khân ay may dadê. Nô Akilas, ndrel ma yôh Prisil, bar hê ur sai khân păng, ndâp ma dăng lě phung nsing i gũ r̄bũn ta jay khân păng, ôp nau ueh lăng khân ay may ta rnha Kôranh Brah đống.* ²⁰ Dăng lě oh nô ta nau nsing gũ ta dja ôp nau ueh lăng khân ay may dadê đống. Dẫn khân ay may tâm ôp nau ueh lăng ndrăng nôm ma nau ueh rah r̄och†.

²¹ Nau ôp ueh lăng dja, gáp Pôl nchih ma ti gáp nôm.* ²² Bu moh i mâu rống Kôranh Yêsu, ăn Kôranh Brah rtăp păng i nây dô. O Kôranh

* **16:15** 16:15: 1Kô 1:16 * **16:18** 16:18: 1Kô 11:1 * **16:19** 16:19: Kar 18:2-3 † **16:20** 16:20: Ta nau ngoi Grek lah: 'Ma nau chũm kloh ueh'. Bân abao' dja mâu hôm gĩt n'hêl moh geh nau khlay ma nau chũm i nây. * **16:21** 16:21: Gal 6:11

Yêsu, dẫn plờ văch hỏm! ²³ Dẫn nau ueh Kôranh
Yêsu gũ ta nuih n'hâm khân ay may! ²⁴ Gập rống
dâng lể khân ay may ta Brah Krist Yêsu‡.

‡ **16:24** 16:24: Sambũt ỏm nchih ma ti abả ntop lah: 'Nau i này
đi ngản', mâu lah 'Amen'.

**Nau Kôranh Brah Ngòi Nau Tâm Rnglăp
Mhe
Mnong, Central: Nau Kôranh Brah Ngòi Nau Tâm
Rnglăp Mhe New Testament**

copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

e066eeff-60da-5ff7-9822-f65015bcd247